

四庫全書

經部

欽定四庫全書

春秋會通卷二

元 李廉 撰

隱公

五年春公矢魚于棠

左氏矢作觀陳也棠濟上邑

左氏

公將如棠觀魚臧僖伯諫

曰凡物不足以講大事其材不足以備器用則君不舉焉故春蒐夏苗秋獮冬狩皆於農隙以講事也若

夫山林川澤之寶器用之資皂隸之事官司之守非君所及也公曰吾將略地焉遂往陳而觀之書曰公

矢魚于棠非禮也且言遠地也公羊譏遠也公曷爲遠而觀魚登來之

者何美大之詞也注恥公去南面之位下與百姓爭利匹夫無異故諱使若以遠觀爲譏也登音得

穀梁尸大功魚卑者之事也公觀之非正也胡氏

齊景公問晏子曰吾何備而可以比於先王觀也對

曰天子適諸侯曰巡守諸侯朝於天子曰述職無非

事者春省耕而補不足秋省斂而助不給是故諸侯

非王事則不出非民事則不出今隱公慢棄國政遠

事逸遊是縱欲而不能自張氏周公戒成王曰毋淫

克以禮特書觀魚譏之也張氏于觀于逸盜兢兢業

業非禮不動然後足以治國而正人春秋特

書所以示人君當遵禮循法以隱公為戒也

案觀例二觀魚則以縱欲為譏觀
社則以會祀為貶皆舉動之妄也

夏四月葬衛桓公胡氏存而弗削者弑逆之賊討矣謚

法辟土服遠曰桓失位而見弑何以為桓衛本侯爵
何以稱公見臣子不請於王而私自謚爾程氏曰正

終大事也死而加之不正之謚知忠孝者不忍爲也
春秋於邦君薨正以王法而書卒貶不臣順之諸侯
也至於葬則從其私謚而稱公罪不忠孝之臣子也

案程子私謚之說本啖子春秋諸國皆稱公獨蔡桓稱侯蓋告王請謚故特書之明得禮也

秋衛師入郕

郕公羊作盛

左氏

入衛之亂也郕人侵衛故衛師入郕注將卑師衆但稱師此

史之穀梁入者內弗受也

胡氏

稱師紀其用衆而立義不同有稱其盛而稱師者如齊師

宋師曹師城邢之類是也有著其暴而稱師者楚滅陳蔡公子棄疾主兵而稱師之類是也有惡其無名

不義而稱師者次于郎以俟陳蔡之類是也衛宣繼州吁暴亂之後不施德政固本恤民而毒衆臨戎入

人之國失君道矣書張氏凡繼亂而立者必有懲艾衛師入郕著其暴也張氏草弊之政憤排圖治之思

而後可以保國而圖終宣公遭大亂而得位既葬踰時首檀輿兵以備怨爲事則知其無安國固本之志矣

案帥師例公羊曰將尊師衆稱其率師將尊師少稱將將卑師衆稱師將卑師少稱人君將不言率師書其重者也胡氏取之而又發書師之三例然後春秋之義明甚何氏又發功惡有大小之說曰將尊師衆而有功小將卑師少而有功大將卑師少而無功爲惡小將卑師衆而無功爲惡大疏者曰蔡衛陳從王稱人而行義是其功大公孫敖救徐稱率師而無功其惡大雖亦可取然不可以遍通於諸例也。又案邾之事書於經者四考其始末一入於衛再入於齊鄭既而降於齊又七十一年而奔魯春秋不復書矣夫以文昭之懿受甸伯之爵而迫脅於諸

侯如此春秋抑強扶弱之書安得不重感乎
齊鄭猶可也衛邢兄弟之國而若是甚矣

九月考仲子之宮初獻六羽左氏

公問羽數於衆仲對曰天子用八諸侯用

六大夫四士二夫舞所以節八音而行八風故公羊自八以下公從之於是初獻六羽始用六佾也公羊

桓未君則曷爲祭仲子隱爲桓立故爲穀梁考者何桓祭其母也初者何始也讖始僭諸公也穀梁成之也

成之爲夫人也初始也穀梁子曰舞夏天子八諸公六諸侯四初獻六羽始僭樂矣尸子曰舞夏自天子

至諸侯皆用八初獻六羽始厲樂矣注言時諸侯僭侈皆用八魯於是能自減降而用六胡氏考

始成而祀也其稱仲子者惠公欲以愛妾爲夫人隱公欲以庶弟爲嫡子聖人以爲諸侯不再娶於禮無

二嫡孟子入惠公之廟仲子無祭享之所爲別立宮以祀之非禮也故因其來賤而正名之曰仲子之賤

因其考宮而正名之曰仲子之宮而夫人衆妾之分定矣隱公攝讓之實明矣桓公篡弑之罪昭矣凡宮廟非志灾失禮不書六羽者六佾也佾者干羽之總稱羽以象文德干以象武功婦人無武事則獨奏文樂故謂之羽初者事之始魯僭天子禮樂舊矣是成王過賜而伯禽受之非也用祀周公已爲非禮其後羣公皆僭用焉仲子以別宮故不敢同羣廟而降用六羽書初獻者明前此用八之僭也

案適妻稱號例胡氏曰存則以氏係姓以姓係號沒則以謚係號以姓係謚者夫人也存不稱號沒不稱氏單舉姓字者妾也仲子之例是矣成風敬嬴定姒齊歸皆妾母而全用夫人之禮直書以貶之也哀公母如氏卒蓋以有子則廟廟則書卒葬無貶也昭公娶孟子則以同姓而諱之也○又案妾廟例陳氏曰古者妾祔於妻祖姑無妻祖姑則易姓而祔於女君別廟非禮

也穀梁曰禮庶子爲君爲其母築宮使公子主其祭於子祭於孫止何休曰禮妾廟子死則廢喪服小記曰慈母與妾母不世祭是也然則妾廟子死尚不祭矧子未君之時而爲之立廟乎○又案六羽左氏尸子程氏胡氏皆以爲魯舊僭八佾則用六爲善惟公穀皆以爲諸公六諸侯四則用六爲僭張氏主公穀說以爲周禮諸公諸侯之禮節度數各有等舞必有之此說似是然伯子男以下益殺則不可通矣故當從左氏也○又案書初例二初獻六羽復正之初也初稅畝變古之初也○又案書獻例三獻者下奉上之詞尊宗廟也獻捷亦書獻者以其躬來誇示抑之也○又案書宮例武煬言立此不言立者何氏以爲武煬非禮故特書立此不言立者得變禮其說非是蓋因考宮而書則別立之罪自見矣

附錄

公羊稱

公羊

天子三公稱公王者之後稱公其餘大國稱侯小國稱伯子男

天子三公者何天子之相也自陝而東者周公主之自陝而西者召公主之一相處乎內

邾人鄭人伐宋左氏

宋人取邾田邾人告鄭請伐宋曰請君釋憾於宋敝邑爲道鄭人以

王師會之伐宋入其邾以報東門之役宋人來告命公聞其入邾將救之問於使者曰師何及對曰未及

國公怒

公羊

注小國序上者主會也穀梁同

胡氏

案左氏則主兵者邾也故雖附庸小

國序乎鄭之上凡班序上下以國之大小從禮之常也而會盟征伐以主者先因事之變也

案主兵例桓十三年齊先宋僖二年虞先晉皆以小國序大國之上非主兵而小國叙大國之

上則伯者爲之如莊十六年許男滑伯文十四年許男曹伯成十五年邾子杞伯襄十年齊世

子光之類是也州吁伐鄭而宋主兵衛圍
戚而齊國夏主兵春秋討黨賊之法也

螟公羊

何以書記災也注災者有害於民物隨事而至
者先是隱公張百金之魚設苛令急法以禁民

之所穀梁蟲災也甚則胡氏蟲食苗心曰螟國以民
致為本民以食為天春秋

書螟記災也聖人以此
為國之大事也故書

案螟例三隱此年及
八年九月莊六年秋

冬十有二月辛巳公子彊卒左氏臧僖伯卒公曰叔父
有憾於寡人寡人弗

敢忘葬之胡氏以公羊三世考之則所傳聞之
加一等世也而書日見恩禮之厚矣

宋人伐鄭圍長葛此書圍之始左氏報入郭公羊邑不言圍
之役也公羊言圍疆也

穀梁

伐國不言圍邑此言圍何久之也注古者師出不踰時重民命愛民財今乃暴師經年僅而後

克無仁隱之心有貪利之行故圍伐兼舉以明之

胡氏

圍者縲其城邑絕其往來之使禁其樵採

之途城守不下至經年而不解誅亂討賊可也長葛鄭邑何罪乎書圍於此而書取於後宋人之惡彰矣

陳氏

伐國不言圍邑自僖以前則書之春秋之初猶以圍邑為重也

案伐國圍邑四而有二例伐鄭圍長葛伐宋圍緡皆著其暴也齊侯伐鄭圍新城則又以著其無貪地之心詞同而義異矣或曰外伐之圍邑僅四魯一國而被伐圍邑亦四何也趙子曰內事詳故悉書外事不告則不書矣

六年春鄭人來輸平

左氏

鄭人來輸平

更成也注渝變也公之未立

戰於狐壤爲鄭所執逃歸怨鄭伐宋公欲救宋宋使失詞公怒而止恧宋則欲厚鄭鄭因此而來故曰更公羊輸平者何猶隳成也何言乎隳成敗其穀梁成也曰吾成敗矣吾與鄭人未有成也穀梁輸者墮也平之爲言以道成也來輸平者不果成也注春秋前魯與鄭平四年翬與宋伐鄭故來絕魯壤前平胡氏輸者納也平者成也鄭人曷爲納成於魯也利相結解怨釋仇離宋魯之黨也公之未立與鄭人戰于狐壤止焉故元年及宋盟宿四年遇清其秋會師伐鄭即魯宋爲黨與鄭有舊怨明矣五年鄭人伐宋入其郛宋來告命使者失詞鄭伯知其適有用間可乘之隙也是以來納成耳然則善之乎曰平者解怨釋仇固所善也輸平者以利相結則在所賤矣曷爲知其相結之以利也後此鄭伯使宛來歸祊而魯入其地會鄭人伐宋得郛及防而魯又取其二邑是知輸平者以利相結乃賤之也故特稱

輸平以明有國者必正其義不謀其利杜亡國敗家之本也陳氏天下之故然後書書鄭渝平以志諸侯之合書及鄭平以志諸侯之散是春秋之所始終也据傳明年宋及鄭平宣七年鄭及晉平文十六年及齊平襄二十年及莒平皆不書

案輸平三傳不同公羊以爲此即言狐壤之戰諱敗獲而書輸平已爲無据穀梁以爲魯舊與鄭平至此而絕又與後日歸祊會鄭之事不合要之皆非的論胡氏魯與鄭有舊怨之說本杜氏納成之說本臨江劉氏蓋鄭莊之納成非有講信脩睦之心而深爲合黨敵宋之計是以不憚屈已求和於魯魯亦溺於利欲之私陷其術中而不悟是以盟宿遇清之好一變而爲取郟取防之仇矣○又案平例五胡氏曰輸平者惡鄭之以利相結也宋楚平皆書人者惡華元子

反之檀也暨齊平者惡魯之附夷狄而得平也
及齊及鄭平者惡魯之侵犯大國而急於平也
此說固然然春秋之平而不書者多矣何獨書
此要必兼陳氏之說方備外平莒及邾不過平
怨之
平爾

夏五月辛酉公會齊侯盟于艾

泰山牟縣東南有艾山

左氏

始平于齊

也注春秋前魯與齊不平今棄惡結好

陳氏

春秋之初宋魯衛陳蔡一黨也齊鄭一黨也於是鄭

始平魯鄭方交惡於王而亟平齊魯將以合諸侯焉爾

案齊大師之後受地于王方百里者五東方之
國莫大焉自師尚父十二世至釐公已稱東州
之小伯然是時宋亦以先代之後爵居上公方
與魯為好未可間也故假鄭以求魯魯一漸於

輸平之利再徇於于艾之盟三誘於枋田之歸
四惑於不王之告而魯與齊鄭之交固矣他日
齊伯之成謂其始此故陳氏之說不爲無見。
又案書公會齊侯盟者四艾齊僖小伯之初也
柯與扈齊桓圖伯之初也于黃齊景爭伯之初
也春秋皆書會明齊志也柯獨不書日信齊桓
也

秋七月左氏

注雖無事而書首
月具四時以成歲公羊

春秋雖無事首時
過則書首時過則

何以書春秋編年四時具然後爲年注首始也過歷
也歷一時無事則書其始月有事不月者人道正則
天道胡氏四德備而後爲乾一德不備則乾道熄矣
定矣胡氏四時具而後成歲一時不具則歲功虧矣
書時又書月者時天時也月王月
也書時又書月見天人之理合也

案無事書春正月者二十四自隱元年始書夏四月者十有一自桓九年始書秋七月者十七自隱六年始書冬十月者十一自桓元年始莊二十二年書夏五月蓋本有事而闕之也案程

子曰有事則道在事無事則存天時王朔

冬宋人取長葛公羊

外取邑不志此何胡氏宋人恃強以志久也穀梁同胡氏圍邑久役

大衆取非所有其罪著矣在王朝不能施九伐之威在列國不能脩連帥之職鄭人土地天子所命先祖所受不能保有而失之是上無天王下無方伯而鄭亦無君也宋人強取以王法言不可勝誅以天理言不善之積著矣初穆公屬國於與夷使其子馮出居于鄭殤公既立忌馮而伐鄭不亦逆天理乎春秋序宋主兵以殤公之罪重也明年鄭人報宋序邾爲首以鄭伯之罪輕也至是宋又舉兵伐鄭而圍其邑肆

行暴虐不善之積已著而不可解矣張氏鄭莊妻長其見弑於亂臣豈一朝一夕之故哉葛於宋稔禍長惡而宋卒受盛國喪師之報矣

七年春王三月叔姬歸于紀左氏

注叔姬伯姬之婦也至是歸者待年於父

母國不與公羊

注媵賤而書者後為嫡終有賢行紀侯為齊所滅紀季以鄆入齊叔姬歸

之能處隱約全竟

穀梁注不與嫡俱

胡氏非夫人也

與嫡俱行則非禮之常也眉山蘇轍謂書叔姬賢之也賢而得書亦春秋之法也

案胡氏前說主左氏穀梁後說主公羊陳氏說同伯姬下

滕侯卒左氏

不書名未同盟也

胡氏

何以不葬急於禮弱其君而不會也卒自外錄不卒

非外也葬自內
錄不葬非內也

案公羊以爲微國不名穀梁以爲
滕用狄道自無名皆無据之言也

附錄

公羊同號

公羊

滕微國則稱侯何不嫌也貴
賤不嫌同號美惡不嫌同詞

注若齊亦稱侯滕亦稱侯微者亦稱人賤亦稱人
皆有起文青賤不嫌同號也若繼體君即位繼絃
君亦稱國所以稱侯而卒者春秋王魯託隱以爲始
爵微國所以稱侯而卒者春秋王魯託隱以爲始
受命王滕子先朝隱春秋褒之
以禮嗣子得以禮祭故稱侯也

案滕本子爵
之說恐非

夏城中丘

中丘在琅琊左氏書不
公羊也何以書以重書
臨沂縣東北
時也
也注以重書

言當稍稍完補至今大壞然後城之穀梁城爲保民
狼苦百姓空虛國家與始作城無異
衆城小則益城益城無極凡城之胡氏程氏曰養民
志皆譏也注保民以德不以城也
力民力足則生養遂教化行風俗美故爲政以民力
爲重也春秋凡用民必書其所興作不時害義固爲
罪矣雖時且義亦書見勞民爲重事也城中丘使民
不以時非人君之心也凡書城者完舊也書築者創
也始

案春秋書內城二十三以夏城者七以春城者
四不時之罪尤大也其餘雖時亦書者勞民也

附錄

城築
例

左氏

大都不過三國之一邑無百雉之
城制也凡土功龍見而戒事火見

而制用水昏正而胡氏城者禦暴安民之所而城
裁日至而畢時也胡氏有制役有時魯城費城郕

而復墮焉則越禮而非制矣隱公城中丘城郎而皆以夏則妨農務而非時矣城不踰制役不違時又當分財用平板榦稱畚築程土物議遠邇略基址揣厚薄仍溝洫具餼糧度有司量功命日不愆于素然後爲之可也況失其時制無愛養斯民之意者其罪之輕重見矣

案胡氏所引分財用已下見左
宣十一年楚薦艾獵城沂傳

齊侯使其弟年來聘左氏

齊侯使夷仲年來聘結艾之盟也注凡聘皆使卿執玉帛

以相公羊

其稱弟何母弟稱弟母兄稱兄注別同母者質家親明當親厚異於羣公子也

穀梁

諸侯之尊弟兄不得以屬通其弟胡氏兄弟先云者以其來接於我舉其貴者也

不稱公子賤也書盟書帥師而稱兄弟者罪其有寵愛之私書出奔書歸而稱兄弟者責其薄友恭之義

年者齊僖公母弟也程氏謂先儒說母弟者蓋緣禮有立嫡子同母弟之文其曰同母蓋爲嫡耳非以爲加親也此義不明久矣僖公私其同母異於他弟施及其子猶與適等而襄公絀之遂成篡弒之禍故聖人於年來聘特變文書弟以示貶焉桓十四年鄭語來盟成十年黑背帥師皆罪其私也書云于弟弗念天顯乃弗克恭厥兄兄亦不念鞠子哀大不友于弟天惟與我民彝大泯亂襄二十年陳光奔楚而稱弟不念鞠子哀昭二十年盜殺衛瓘而稱兄其亦不念天顯矣昭元年秦鍼定十年宋辰皆責其薄也仁人於兄弟絕偏係之私篤友恭之誼人倫正張氏親親而天理存春秋以訓天下與來世之意也

尊其位重其祿非賢則不及以政齊僖因父之盟遽遣使于魯以結好忘君臣之大義植同列之私黨而又使其弟交政鄰國以啟後日無知之禍

案春秋齊之聘魯五年之再來齊僖糾合之時也歸父之來晉襄未定之時也國佐之來齊頃有志於叛晉也慶封之來齊景初立而有志於爭伯也皆出於私情矣然春秋之初齊尤加禮於魯至桓既伯僖七年公子友如齊之後魯使之聘齊者二十二而齊聘僅三至焉亦可以觀世道矣。又案春秋書弟十四書兄一齊年鄭語衛黑背皆罪其私主陸氏陳光秦鍼宋辰衛繫皆罪其薄主穀梁衛縛佞夫皆可入陳光之例陳昭先稱公子而後稱弟亦以陳侯有寵愛之私而致之也獨叔盱稱弟賢之也蓋以其善處兄弟之變者也公羊左氏同母之說程子力辨之而陸氏亦曰聖人之教雖及兄弟之子猶引而進之安有異母即見疎外乎餘見叔盱下

秋公伐邾左氏

宋及鄭平盟于宿秋公伐邾爲宋討也注公距宋而與鄭平欲以鄭爲援今鄭

復與宋盟故懼而伐邾胡氏宋人先取邾田故邾人欲以求宋故曰爲宋討入其邾魯與儀父則元年盟于蔑矣邾人何罪可聲特託爲詞說以伐之耳經之書伐非主兵者皆有言可執見伐者皆有罪可討也傳曰欲加之罪何患無詞魯爲宋討非義甚矣而稱伐邾所謂欲加之罪者也而不知渝蔑之盟不待貶而張氏夫和大者所以恤小既平宋鄭則邾宋自見矣之睚眦亦可和矣親此而虐彼苟欲悅宋而忘蔑之盟子曰小人比而不周此足以見書爲宋討邾之旨矣

案內兵之伐國僅二十而書公伐邾者六書大夫伐邾者八止書伐邾者一夫邾在魯之宇下而陵弱侵小之兵吏不絕書如此甚矣魯之失政也

冬天王使凡伯來聘凡伯周卿士凡國伯爵穀梁曰凡氏伯字上大夫也自此王聘之始

公羊

注書者喜之也古者諸侯有較德殊風異行天子聘問之當北面稱臣受之於太廟所以尊王

命歸美於先君穀梁聘問也聘諸侯非正也胡氏案周禮行人

不致以已當之穀梁聘問也聘諸侯非正也胡氏王有時聘以

結諸侯之好問以諭志而穀梁子何以獨言聘諸侯非正也古者諸侯於天子比年一小聘三年一大

聘五年一朝故天子亦有聘問之禮焉隱公即位未嘗書遣使如周則未嘗聘也亦不書公如京師則是

未嘗朝也一朝則未嘗聘也亦不書公如京師則是未嘗遣使聘焉其斯以為不正乎天王失威福之柄

矣

案春秋書王聘魯七始於此而終於宣十年凡伯南季仍子家父皆不過大夫猶可也宰周公

以三公之重王季子以介弟之尊而下聘禮益

讀矣隱僖之得聘猶可也以宰糾而聘桓以季

子而聘宣
寵篡弒矣

附錄

王聘例。周禮天子時聘以結諸侯之好殷
類以除邦國之慝。問以諭諸侯之志。歸服

以交諸侯之福。故穀梁之說。范甯未詳而趙子亦
曰。王政行也。天子使使聘諸侯。所以治恩惠。考政
典也。然胡氏獨取穀梁者。蓋周禮乃古者王室親
諸侯之常典。而穀梁氏則深究夫春秋王聘之失
不可非也。

戎伐凡伯于楚丘以歸左氏

初戎朝周凡伯弗賓。凡伯
還戎伐于楚丘以歸。楚丘

衛穀梁國而曰伐此一人而曰胡氏一人而曰伐見
地穀梁伐何大天子之命也。胡氏其以徒衆也以

歸易詞于楚丘見衛不救王臣之患
以歸者罪凡伯失節不能死於位也

案穀梁以戎爲衛其說無据不可從。又案胡氏引說詳見國語單襄過陳條下。

八年春宋公衛侯遇于垂丘

垂即犬丘衛地

左氏

齊侯將平宋衛於鄭有會期宋

公以幣請於衛請先相見衛侯許之故遇于犬丘

陳氏

特相遇不書書宋衛將以爲參盟也張氏

簡禮相見以謀事也

案垂之遇左氏以爲宋衛有怨於鄭而齊欲平之蓋鄭之怨衛因公孫滑宋之怨鄭因公子馮其說似有据然考之於經後此瓦屋止二國參盟而不及鄭十年入鄭伐戴之師又二國爲黨以仇鄭則宋衛此謀蓋有志於從齊黨而無意於釋鄭憾也齊僖亦不過假此以求諸侯耳豈真有平怨之本心歟

三月鄭伯使宛來歸枋庚寅我入枋

枋公穀作邠

左氏

鄭伯請釋

泰山之祀祀周公以泰山之枋易許田三月公羊言宛來歸枋不祀泰山也注宛不書氏未賜族公羊言

入何難也其日何難也注以歸後乃日穀梁名宛所言時重難不可即入至此日乃入也

伯惡于地也入者內弗胡氏周制六年五服一朝故受也日入惡入者也于天子之郊有朝宿之

地又六年王乃時巡諸侯各朝于方岳故於泰山之旁有湯沐之邑成王以周公有大勳故特賜之許田

為朝宿之地宣王以鄭伯母弟懿親故特賜之枋田為湯沐之邑枋近魯許鄭各以近者相易何以不

可乎用是見鄭有無君之心而謂天王不復能巡守矣用是見鄭有無親之心而敢與人以先祖所受之

邑矣其言我入枋者枋非我有也入陳氏曷為謂之者不順之辭義不可入而強入之也陳氏來歸五年

鄭伯始朝王不禮焉鄭有志於叛王而合諸侯渝平歸枋皆遜辭也糾合之道也

案枋許之易其謀始於輸平之時然不過借以固魯之好而未敢及許也至是歸枋以祀周公為辭者蓋隱然致易許之請而隱公猶未許其易也鄭莊委分地以合黨而不吝所謂將欲取之必固與之者也隱公不察其深謀詭計而溺於一枋之入故于防中丘之會不能不徇之而敗宋入許陷於大惡而不悟使隱公不死尚不能久有許況桓公不義之立鄭伯適投其間而前日之謀盡行矣春秋所書不越數端而鄭之奸情備見先儒謂鄭莊小人之雄信哉○又案湯沐之邑何氏以為四井為邑邑方二里東方二州四百二十國凡為邑廣四十里袤四十二里取足舍止共橐穀是則諸侯皆有矣范氏以為諸侯有大功德於王室者京師有朝宿之邑

泰山有湯沐之邑所以供祭祀也其餘則否胡氏從范說爲是○又案來歸例除咺來歸及內女來歸外書來歸者五鄭妨衛俘之來以利而來也鄭謹石尚之來以禮而來也要之皆自外至而非勉強之文其善惡則不同矣季子來歸著國人之喜也

夏六月己亥蔡侯考父卒

桓侯封人立

○辛亥宿男卒胡氏

周人有諱禮故凡赴皆不以名經書其終雖五伯強國莫不以名者是仲尼筆之也赴不以名而書名者與魯通也已通而不名者舊史失之爾未通而名者有所證矣蓋諸侯生則不名死則名之別於天子示尊卑之等禮之中也

秋七月庚午宋公齊侯衛侯盟于瓦屋

瓦屋周地

左氏

齊人卒平

宋衛于鄭秋會于温盟于瓦屋以釋東門之役禮也
冬齊侯使來告成三國公使衆仲對曰君釋三國之
圖以鳩其民君之惠也穀梁外盟不日此其日何諸
敢不承受君之明德也穀梁侯之參盟於是始故謹
而日之也誥誓不及五帝盟詛不及三王交質子不
及二伯注宋序齊上王爵也世道交喪盟詛滋彰非
可以經世軌訓故存日胡氏程氏曰宋為主盟與鄭
以記惡蓋春秋之始也胡氏絕也大道隱而家天下
然後有誥誓忠信薄而人心疑然後有詛盟盟詛煩
而約劑亂然後有交質子至是傾危之俗成民不立
矣春秋草薄從忠於參盟書日謹其始也周官設司
盟掌盟載之法凡邦國有疑則請盟於會同聽命於
天子亦聖人待衰世之意耳德又下衰諸侯放恣其
屢盟也不待會同其私約也不繇天子口血未乾而
渝盟者有矣其末至於交質子猶有不信者焉春秋
謹參盟善胥命美蕭魚之會以信待人而不疑也蓋

有志於天下為公之世
凡此類亦變周制矣

陳氏

諸侯初參盟也
則有主盟三國成而東

諸侯之張氏

春秋之初皆離會之盟
至此則三君共要質于神以示明信
然宋瑋王者之後

齊僖東方大國衛亦北州大國也
正可因此為講信脩睦之事成鳩民息肩之圖
而明年會防之後伐宋

取邑視今日盟誓之言不復顧忌
比諸小人平時指天日為誓他日臨小利害不一引手救反擠之又下

石者正相似也嗚呼春秋於瓦屋之盟列數三君而又書日以謹之所以傷世變之甚也

案瓦屋之盟左氏以為齊卒平宋衛于鄭而鄭不與何也蓋宋衛怨鄭之謀未息故也大抵列

國之怨爭皆以強弱為進退齊最強宋衛次之鄭則小國也傳曰宋衛實難鄭何能為則宋衛

之所畏者在齊而不在鄭矣故瓦屋之盟宋衛雖屈於齊而終不與鄭平也程子曰與鄭絕也

其說精矣然鄭莊固挾齊以自強齊僖亦資鄭以糾合故瓦屋雖以王爵尊宋而明年宋公不王之罪又發於鄭人是齊僖陽尊宋衛而陰固鄭黨宋衛不悟而僖襄之小伯桓公之創伯皆原於此矣○又案外盟書日止此○又案陳氏以瓦屋鄆陵皆為參盟

八月葬蔡宣公○九月辛卯公及莒人盟于浮來

浮公穀作

包杜曰紀邑張氏曰莒地有浮來山

左氏

以成紀好也注二年紀莒盟密為魯故今公尋之故曰成紀好

胡氏莒小國人微者而公與之盟故特言及以譏失禮且明非大夫之罪也屈于乘之尊下與小國

之大夫盟太卑張氏特書公及以著非莒人之敢敵可踰非謙德矣張氏諸侯公蓋自失人君之體也

案春秋書公及人盟二浮來及蜀是也穀梁曰可言公及人不可言公及大夫然則公及齊大

夫盟莒何得云不可杜氏例以為微者不嫌敵公侯故直稱公然高倭處父大國貴卿猶以伉尊為諱今乃直書不諱乎公羊又以為實莒子而書人者隱公不肖僅能使微者隨從之皆無据之言也獨趙子曰莒小國若不書公則嫌乎非公屈禮以盟其卑以病公也此說是矣故胡氏從之若蜀之盟則上書公子下書楚人其賤明甚不可與此例論也又公及齊人狩禚公穀皆以為人齊侯以人公此又變例爾

螟。冬十有二月無駭卒

駭穀梁作倭

左氏

羽父請謚與族公命以字為展

氏注公孫之子以王父字胡氏無駭書名未賜族也為氏無駭公子展之孫也胡氏諸侯之子為大夫則稱公子其孫也為大夫則稱公孫公孫之子與異姓之臣未賜族而身為大夫則稱名無駭俠之類是也

已賜族而使之世為大夫則稱族如仲孫叔孫季孫之類是也古者置卿必求賢德不以世官春秋之初猶為近古故無駭與俠皆書名爾其後官人以世無不賜之族或以字或以謚或以官或以邑而先王之禮亡矣至於三家專魯六卿分晉諸侯失國出奔相繼職此由也案禮天子冢內諸侯世其祿而不嗣然則諸侯所置大夫嗣其位而不易豈禮也哉

案春秋書無佞俠季友仲遂之卒實因卿大夫之告終以謹世變所以著無佞俠之未賜族不為薄而季友仲遂之恩過於厚過厚若隆於恩而廢禮生亂恒必由之不可不考也公穀以為罪無駭入極而貶之又以為隱不成為君故不爵大夫皆無据

九年春天王使南季來聘

南氏張氏

隱公十年之間宰季字張氏
桓凡伯南季三至

魯庭以魯為周公之冑而欲親之也公不明尊王之義以正其國於是諸侯相效而王靈竭臣子則象而篡弑萌矣此春秋詳書王使之意也

案胡氏曰春秋書天王來聘者七錫命者三賜葬者四則問於他邦及齊晉秦楚之大夫國可知矣書公如京師者一朝于王所者二卿大夫如京師者五會葬者二舉魯一國則天下諸侯之不知矣

三月癸酉大雨震電庚辰大雨雪

杜氏以為經當有霖字

左氏書

失也凡雨自三日以往公羊震電何以書記異也何為霖平地尺為大雪異爾不時也大雨雪何以書記異也何異爾傲甚穀梁志疏數也八日之間也注月令二月雷乃發聲穀梁再有天變陰陽錯行

故謹而日之也 胡氏震電者陽精之發雨雪者陰氣
雨月志正也 之凝周三月夏之正月雷未可

以出電未可以見而大震電此陽失節也雷已出電
已見則雪不當復降而大雨雪此陰氣縱也陰陽運
動有常而無忒凡失其度人為感之也今陽失節而
陰氣縱公子翬之讒兆矣鍾巫之難萌矣春秋災異
必書雖不言其事應而事應具存惟明於
天人相感之際則見聖人所書之意矣

案春秋書雨二此年及僖三年六月雨是也書
震二此年及僖十五年震夷伯廟是也書大雨
雪二此年及僖十年冬是
也雨雪一桓八年冬是也

附錄公羊

注凡災異一日者日歷日者月
歷月者時歷時者加自文為異

俠卒公羊

吾大夫之穀梁所俠也不書氏隱不爵
未命者也 大夫也注所者俠之氏

夏城郎

案襄陵許氏曰七年城中丘而伐邾今城郎而後
伐宋公不務崇德備政以戒蕭牆而念外人之
有非干時動衆恃城保國亦已末矣○又案郎
魯近邑在平方與縣東南隱之元年費伯已
城之矣至此年復城而桓十年三國之伐來戰
于此莊八年陳蔡之侯亦次于此十年齊宋以
兵窺魯又宿師于此則郎豈非魯之要地乎厥
後築臺于郎築郎圍想皆在此始也猶有警懼
之心終也遂為
遊觀之地矣

秋七月○冬公會齊侯于防

防魯地公羊作邴

左氏

宋公不王鄭伯為王

左卿士以王命伐宋宋以入郟之役怨公不告命公
怨絕宋使秋鄭人以王命來告伐宋會于防謀伐宋

也穀梁會者外為胡氏周官行人有時會以發四方
主焉爾之禁此謂非時而合諸侯以
禁止天下之不義也列國何為有此名故凡書會皆
譏也謂非王事相聚會爾据左氏稱鄭以王命來告
則謂之非王事可乎曰以王命討宋而聽征討之禁
於王都雖召陵之舉不是及矣始則私相會為謀於
防中則私相盟為師期於鄧終則乘敗人而深為利
取二邑歸諸已奉王命討不庭者果如是乎經之書
會書伐而不
異其文以此

案經書公特會齊侯於防羸
謹艾濼城濮平州夾谷是也

十年春王二月公會齊侯鄭伯于中丘○夏暈帥師會
齊人鄭人伐宋左氏會于中丘盟于鄧為師期五胡氏
月羽父先會齊侯鄭伯伐宋胡氏

輦不氏先期也始而會宋以伐鄭固請而行今而會鄭以伐宋先期而往不待鍾巫之變知其有無君之心矣故去其公子以戒兵陳氏曷為會稱君伐稱人柄之下移制之於未亂也陳氏略之也春秋舉重一役而再有事不悉書苟再見必前目而張氏程氏曰後凡也一役而再見但人之者略之也張氏三國先遣將致伐齊鄭稱人非卿也

六月壬戌公敗宋師于菅辛未取郕辛巳取防左氏六月

戊申公會齊侯鄭伯于老桃壬戌公敗宋于菅庚午鄭師入郕辛未歸于我庚辰鄭師入防辛巳歸于我君子謂鄭莊公可謂正矣以王命討公羊取邑不日不庭不貪其土以勞王爵正之體也公羊此何以日一月而再穀梁不正其乘敗人而深為利胡氏夫諸取甚之也穀梁取二邑故謹而日之也

邑非其有而取之盜也內小惡直書而不隱其不言戰而言敗敗者為主彼戰而此敗之也皆陳曰戰詐戰曰陳氏蔽罪於魯也春秋嚴義利之辨苟以為利敗書吾取而已是故郟防書取譏不在鄭也濟西書取汶陽書取邾田書取譏不在晉也必若鄭伯欲易許田然後可以言來歸焉爾

案左氏所載事則是義則非○又案內兵書取十八惟郟防須句書日○又案魯敗外師凡八而敗宋者三管乘丘郟也

附錄內惡例案公羊曰內大惡諱此其言甚之何春秋錄內而略外於外大惡書小惡不書於內大惡諱小惡書注明取邑為小惡一月再取小惡中甚者耳故胡氏曰內大惡其辭婉小惡直書而不隱如成公取郟襄公取郟昭公取郟皆覆人之邦而絕其嗣亦書曰取所謂婉辭也

秋宋人衛人入鄭宋人蔡人衛人伐戴鄭伯伐取之戴

殺作戴左氏蔡衛邠不會王命秋鄭師猶在郊宋衛國也入鄭蔡人從之伐戴鄭伯圍戴克之取

三師馬胡氏稱伐稱取兼之也或疑鄭人兵力不能取戴兼三國之師非矣什圍伍攻正也以寡

覆衆奇也莊公蓋嘗克叔段敗王師困州吁而八國能以奇勝可知矣故駐師於郊多方以誤之也四國

已闕起乘其弊一舉而兼之卞莊子之術也然孟子曰善戰者服上刑稱伐取者其以莊公殘民之甚當

此刑矣

案公穀皆以為鄭伯因三國之力以取戴其書取者易也然三國既與鄭仇必無與鄭共事之理戴既受三國之伐則必與鄭為黨故程子以為鄭戴合攻盡取三國之衆此說為當胡氏以

為一舉而兼
四國恐過

冬十月壬午齊人鄭人入郕

郕公作盛左氏命也討違王公羊注

者盛魯同姓於隱篇再穀梁日入惡胡氏程氏謂宋見入者明當憂錄之入者也本以公子

馮在鄭故二國交惡春秋不見其為王討也王臣不行王師不出矯假以逞私恣耳此說據經為合若討違王命則不書入矣入者不順之詞也若以為難詞則齊鄭大國於討郕何難哉

案鄭莊假王命之事自隱之元年以王師虢師伐衛則猶為卿士也至三年有交質之惡周人昇虢公政矣六年鄭始朝周而不見禮八年夏虢公忌父始作卿士於周而鄭又以齊朝王九年然後有宋公不王之師而傳曰鄭伯為王左卿士豈非兩朝之後周復用之而鄭伯所以周

旋王室不過為矯假報復之私初非有夾輔之誠也十一年之入許傳又曰君謂許不共亦假飾之詞也卒之敗宋入邲入許納馮之後志得意滿而有矯舊之戰矣故諸傳惟程氏得之左氏得其事而不究其情是為鄭伯之所欺也

十有一年春滕侯薛侯來朝

諸侯朝魯之始左氏滕侯薛侯來朝爭長公使

羽父請於薛侯曰周之宗盟異姓為後君若辱眡寡人願以滕君為請乃長滕侯公羊諸侯來曰

朝大夫來曰聘其穀梁天子無事諸侯相朝正也考兼言之何微國也禮脩德所以尊天子也諸侯

來朝時正也慎言同胡氏孔子曰邦君為兩君之好時也累數皆至也有反玷周禮行人凡諸侯

謂之邦交殷相聘世相朝也然謂之殷則得中而亦過謂之世則終諸侯之世而一朝其為禮亦節矣周衰

典制大壞無禮義之交惟強弱之視或來朝而不報其禮或屢往而不納以歸無合於中聘世朝之制矣且列國於天子述所職者蓋闕如也而自相朝聘可乎凡大國來聘小國來朝一切書而不削皆所以示譏滕薛二君不特言者又譏旅見也非天子不旅見諸侯偃然受之而不辭亦以見隱公之志荒矣

案凡諸侯朝植言之若穀伯鄧侯同時偕至而朝禮不同日也累數之若今滕薛及邾年莒同日行禮也同日旅見惟天子可受之諸侯不當然也。又案滕之來朝五此年及桓二年又十二年。二襄六哀二惟此年書侯餘皆書子義見桓二年。又案謝氏曰是時伐戴入邾小國受難甚矣故二國懼而入朝。又案呂氏曰天下禍機常萌於盛滿之時

夏公會鄭伯于時來

公穀上有五月字左氏謀伐時來公羊作祁黎許也

秋七月壬午公及齊侯鄭伯入許左氏

公會齊侯鄭伯伐許庚辰傅于

許瑕叔盈以鄭伯之旗發孤登周麾而呼曰君登矣鄭師畢登壬午遂入許許莊公奔衛齊侯以許讓公公曰君謂許不共故從君討之許既伏其罪矣雖君有命寡人弗敢與聞乃與鄭人鄭伯使許大夫百里奉許叔以居許東偏曰天禍許國而假手于我寡人寡人惟是一二父兄不能共億其敢以許自為功乎吾子其奉許叔以撫柔此民也若寡人得沒于地天其以禮悔禍于許無寧茲許公復奉其社稷惟我鄭國之有請謁焉如舊昏媾其能降以相從也無滋他族實偪處此以與鄭國爭此土也寡人之使吾子處此不惟許國之為亦聊以固吾圉也君子謂鄭莊公於是乎有禮禮經國家定社稷序民人利後嗣者也許無刑而伐之服而舍之度德而處之量力公羊注入而行之相時而動毋累後人可謂知禮矣

此日者危錄隱公也胡氏書會則伐許本鄭志也書及則入許

遣使來聘者再而未嘗朝于京師罪一也平王崩不奔喪會葬至使武氏子來求賻罪二也禮樂征伐自

天子出而擅興兵甲爲宋而伐邾爲鄭而伐宋罪三也山川土田各有封守上受之天王下傳之先祖而

取郟及防入祊易許罪四也今又入人之國而逐其君罪五也凡此五不韙者人臣之大惡隱公兼而有

之然則不善之殃豈特始於惠成於桓而隱之積亦不可得而掩矣使隱公爲國以禮而自強於善豈有

鍾巫之難乎陳氏宋不王鄭以王命討之於是入邾又入許取宋蔡衛三師焉夫以王命討不庭

顧因以爲暴許無君者十有五年甚矣鄭之專也於是許莊公奔衛不書非其罪也

案春秋一事而始書會後書及惟此年及桓元年垂越之會盟皆所以著內外之志也桓十二

年會武父至伐宋則書及例與此同桓十六年會晉夏伐鄭則仍書會非獨魯之所欲矣此可以見書法之謹也○又案臨江劉氏曰公之不得其終以德薄而多大功慮淺而數得志也備其四境禍反在內可不哀歎○又案許姜姓大岳之裔在潁昌長社與鄭爲鄰鄭莊併吞之志久矣特以三國共伐難於專利故外假存許之義內結許人之心而又使公孫獲以鈐制許叔則許固鄭之內臣矣未幾莊公薨許叔因鄭亂以入許於是鄭許之釁復啟然齊桓既伯許七從於會盟三從於征伐許之事齊尚謹齊之救許亦至則雖有楚人之圍鄭人寢無能爲也及晉伯已後許專心事楚無復中國之顧故晉文圍以諸侯晉襄伐以三國悼有荀營之伐平有荀偃之侵以區區之鄭一歲而再用兵于許春秋雖狄鄭而許亦不能以自存矣故成十五年

以後一遷于葉再遷于夷又遷于白羽又遷于容城越二年而滅於鄭游速之手是則今日之入許乃後日滅許之開端也然首謀在鄭書公以及母乃春秋惡黨惡之誅歟○又案黎淳引十一年入許事以破左氏入許田之說劉質夫不從

冬十有一月壬辰公薨左氏

初仲子生而有文在其手曰為魯夫人故仲子歸我

生桓公而惠公薨隱公立而奉之至是羽父請殺桓公將以求太宰公曰為其少故也吾將授之矣使營菟裘吾將老焉羽父懼反譖公于桓公而請弑之十一月公祭鐘巫齊于社圃館于窩氏壬辰羽父使賊殺公于窩氏立桓公而討窩公羊春秋君弑賊不討氏有死者不書葬不成喪也公羊春秋君弑賊不討子也不地胡氏致隱讓國立不以正惠公之罪也致不忍言也

讒人交亂其間憂虞之象著矣而曰吾將老焉是猶豫留時辨之弗早辨也其及也宜隱公見弑魯史舊文必以實書其曰公薨不地者仲尼親筆也蓋不書弑示臣子於君父有隱避其惡之禮不書地示臣子於君父有不沒其實之忠不書葬示臣子於君父有討賊復讎之義非聖人莫能修之謂此類也夫賊不討讐不復而不書葬則服不除寢苦枕戈無時而終事也以此法討罪至嚴矣

案魯十二公惟隱閔二公薨不書地不書葬皆弑也子般子赤亦然子野未踰年之君不書葬無子則不廟也桓公亦遇弑而書葬者賊在外讖不專於臣子也。又案隱公立十一年自六年以前黨於宋自六年以後黨於齊鄭原其即位雖以次當立然本非惠公之命而出於諸大夫之扳已故元年盟儀父其秋盟宋二年盟戎四年遇清春秋皆書及蓋隱欲結諸國以自安

也雖然自安而大夫之專迭見於無駭鞏帥師之時矣輸平以後隱漸得志故伐邾而忘蔑之信伐宋而棄宿之盟入初入許無所不至而有寫氏之禍使隱公初立上請王命則長幼之義自明君臣之分自定又何必屈已於諸侯委權於大夫以成後日之變哉杜氏以爲讓國之賢君吾未之見也



春秋會通卷二

欽定四庫全書

經部

春秋會通卷四

詳校官給事中臣鄧文洋

給事中臣溫常綬覆勘

覆校官中書臣方大川

校對官監丞臣張曾炳

謄錄貢生臣馮省槐

謄錄貢生臣劉為幹

欽定四庫全書

春秋會通卷三

元 李廉 撰

桓公名軌謚法辟土服遠

左氏

注惠公之子也公之弟母仲子

周桓王元年春王正月公即位左氏

注嗣子位定於初喪而改元必須踰

九年者繼父之業不忍有變於中年也桓篡立而用常禮欲自同於遭喪繼位者也

公羊繼弑君不言

言即位此其言即位何如其意也注弑君欲即位故如其意以著其惡

穀梁繼故不言即位正也

先君不以道終則子弟不忍即位也繼故而言即位則是與聞乎弑也先君不以其道終已正即位之道

而即位是無胡氏桓公與聞乎故而書即位著其弑恩於先君也立之罪深絕之也美惡不嫌同詞

古者諸侯一娶九女故諸侯不再娶於禮無二嫡惠
公元妃既卒繼室以聲子則是攝行內主之事矣仲
子安得為夫人母非夫人則桓乃隱之庶弟安得為
嫡子謂當立乎桓不當立則國乃隱公之國其欲授
桓乃實讓非攝也蓋非其有而居之者攝也故周公
即政而謂之攝推已所有以與人者讓也故堯舜禪
授而謂之讓惠無嫡嗣隱公繼室之子於次居長禮
當嗣世其欲授桓所謂推已所有以與人者也以其
實讓而桓乃弑之春秋所以惡桓深絕之也公羊所
謂桓幼而貴隱長而卑子以母貴者徇惠公失禮而
為之辭非張氏桓公弑君而立周禮九伐之法當
春秋法也伏賊殺其親之辜今書公見周王之
無政刑書即位見魯之臣子忌不共戴天之讎而推
戴弑君之賊弁冕南面立乎其位故桓公之編書法
大率異於羣公此聖人修理
三綱整敕人倫之大旨也

案卽位例已見隱元年獨陳氏曰古者君薨既
殯嗣子卽位於柩前雖踰年恒稱子必類見然
後列於諸侯東遷之諸侯既踰年而卽位改元
視天子非周制也自隱至文六君惟桓文書卽
位亦惟桓文書錫命是不特類見之禮廢雖請
命亦廢矣成公以後皆書卽位而無錫命王室
區區所以感諷諸侯之意亦不復
講矣雖與諸傳說不合然亦有見

三月公會鄭伯于垂鄭伯以璧假許田夏四月丁未公

及鄭伯盟于越左氏

公卽位修好于鄭鄭人請復祀周公卒易祊田公許之鄭伯以璧假

許田盟于越結祊成也盟曰渝盟無享國冬鄭伯拜盟

公羊

其言以璧假之何易之也易之則其

言假之何為恭也曷為為恭有天子存則諸侯不得專地也許田者何魯朝宿之邑也諸侯時朝乎天子

天子之郊諸侯皆有朝宿之邑焉此魯朝宿之邑也
曷為謂之許田諱取周田也諱取周田則曷為謂之
許田近許也此邑也其稱田何穀梁會者外為主及
田多邑少稱田邑多田少稱邑穀梁會者內為志假不
言以言以非假也非假而曰假諱易地也禮天子在
上諸侯不得以地相與也用見魯之不朝於周而鄭
之不祭胡氏許田所以易枋也鄭既歸枋矣又加璧
泰山也胡氏者枋薄於許故也魯山東之國與枋為
鄰鄭畿內之邦許田近地也以此易彼各利於國而
聖人乃以為惡而隱之何歟曰利者人欲之私放於
利必至奪攘而後饜義者天理之公正其義則推之
天下國家而可行春秋惡易許田孟子極陳利國之
害皆拔本塞源杜篡弒之漸也湯沐之邑朝宿之地
先王所錫先祖所受私相貿易而莫之顧是有無君
之心而廢朝覲之禮矣是有無親之心而棄先祖之
地矣故聖人以是為國惡而隱之也其不曰易而曰

假者夫易則已矣言假則有歸道焉又以見許人改
過遷善自新之意非止隱國惡而已也垂之會鄭為
主故稱會越之盟魯志也故稱及鄭人欲得許田以
自廣是以為垂之會桓公欲結鄭好以自安是以為
越之盟夫弑逆之人人人得而誅之而鄭與之盟以
定其位是肆人欲滅天理無俟於賤絕而惡自見矣
陳氏取許田則曷為謂之以璧假鄭伯之詞也公羊
氏曰為恭也春秋之初諸侯為惡必有詞以自
文鄭伯以璧假許田齊侯鄭伯如紀單伯送王姬築
文姬之館于外皆善詞也夫子傷周之敝曰利而巧
文而不慙於春秋著其事所以見王化衰風俗日趨
於變且以發明鄭莊之欺也愛段之辭立許叔之辭
勞王問左右之辭張氏書會書及交
足以禍五世矣

案魯與鄭特相盟會者惟桓公之編有四會垂
盟越盟武父會曹是也鄭莊之結魯桓與魯桓

之交鄭突皆黨篡弒之賊爾案假田之義公羊
陸氏陳氏以為鄭伯之遜詞穀梁胡氏以為夫
子之諱詞二說疑公羊得之蓋內小惡直書不
隱易許之罪不大於取郕防失許之惡不大於
以濟西賂齊彼既直書此疑非諱詞也而何
氏注公羊又有深諱之語似不達公羊本旨

附錄公羊

桓公會皆
日危之也

秋大水左氏

凡平原出
水為大水

公羊

何以書記災也注災傷二
穀以上書災也先是桓篡

隱百姓痛傷悲哀之心既蓄積後專易
朝宿之邑陰逆而與怨氣并之所致

穀梁高下有
水災曰

大胡氏

大水者陰逆而與怨氣并之所致桓行逆德
而致陰沴宜矣或問堯時豈有致之者而曰

有水警予何也曰開闢以來水之行未得所歸故堯
有憂焉使禹治之而後人得平土而居爾後世有人

為不善感動天變張氏大非常則災害廣蓋陰
而引堯為解誤矣盛惡逆之氣所感也

案經書大水八桓二莊三宣成棄各一惟
桓十三年書夏餘皆以秋外書宋大水一

冬十月無事書冬穀梁無事焉何以書不遺時也春
十月首此穀梁秋編年四時具而後為年

二年春王正月戊申宋督弒其君與夷公孫戴及其大

夫孔父孔子六左氏宋華父督見孔父之妻于路
世祖孔父嘉目逆而送之曰美而艷春督

攻孔氏殺孔父而取其妻公怒督懼遂弒殤公又曰
宋殤公立十年十一戰民不堪命孔父嘉為司馬督

為太宰因民之不堪命先宣言曰司馬則然已殺孔
父而弒殤公召莊公子鄭而立之以親鄭君子以為

督有無君之心然後動公羊及者何累也弒君多矣
於惡故先書弒其君舍此無累者乎曰有仇

收荀息皆累也舍仇收荀息無累者乎曰有有則此何以書賢也何賢乎孔父可謂義形於色矣其義形於色奈何督將弑殤公孔父生而存則殤公不可得而弑於是先攻孔父之家殤公知孔父死已必死趨而救之皆死焉孔父正色而立於朝則人莫敢過而致難於其君者孔父可謂義形於色矣注父者字也禮臣死君字之以稱穀梁孔父先死其曰及何也書字見其先君死也以稱尊及卑春秋之義也臣既死君不忍稱其名孔氏父字謚也或曰其不稱名蓋為祖諱孔子故宋也注督宋之卑者卑者以國氏

胡氏案左氏宋殤公立十年十一戰民不堪命孔父為司馬無能改於其德非所謂格君心之非者

然君弑死於其難處命不渝亦可以無媿矣父者名也著其節而書及不失其官而書大夫是春秋之所賢也賢而書名劉敞謂既名其君於上則不得字其臣於下此君前臣名禮之大節也督將弑殤公孔父

生而存則不可得而弑於是先攻孔父而後及其君能為有無亦庶幾焉凡亂臣賊子畜無君之心者必先翦其所忌而後動於惡不能翦其所忌則有終其身而不敢動也華督欲弑君而憚孔父劉安欲叛漢而憚汲直曹操欲禪位而憚孔融此數君子皆義形於色足以衛宗社而忤邪心姦臣所以憚也不有君子其能國乎春秋賢孔父示後世人主崇獎節義之臣乃天下之大閑有國之急務也 陳氏死人臣之極致春秋貴死節必大臣也然後書大臣誣與其君存亡者也雖大臣也苟不能與其君存亡則亦不書是故藥書中行偃先殺胥童而後弑君不言及死節人臣之極致春秋重以予人也孔父嘉不名命大張氏 初宋穆公舍其子馮而立與夷使馮出居夫也 鄭與夷既立而鄭莊公欲納馮于宋於是自隱四年以後鄭宋屢相侵伐華督蓋馮之黨也故弑與夷而立馮

案華督弑君之由惟張氏得之蓋舊語有孔父義形於色之言而左氏附會以為女色之色啖子辯之詳矣案孔父左氏稱孔父嘉而注以父為名故胡氏因之諸傳皆以孔為氏父為字啖子又以孔為字父為美稱謂孔氏之先皆以字連父如弗父金父若孔為字豈世世改乎又春秋時名嘉者多字孔亦其證也穀梁又以孔子為祖諱春秋非夫子家傳安得為祖諱要之左注以父為名而嘉為字則華父督亦父為名而督為字乎當以啖子為是後來孔為氏亦以王父字耳

附錄穀梁

注會盟言及別內外也
尊卑言及上下序也

滕子來朝左氏

注隱十一年稱侯今穀梁疏今傳無貶稱子者蓋時王所黜

爵非春秋之義此時周德雖衰尚胡氏滕稱侯爵距
爲天下宗主滕降爵必時王所黜此三歲乃降
而稱子先儒謂爲時王所黜使時王能黜諸侯春秋
豈復作乎有言其在喪者終春秋不復書侯無說矣
蓋春秋誅亂討賊尤嚴於亂賊之黨桓公弟弑兄臣
弑君天下大惡已不能討又先鄰國而朝之是與夷
狄無異春秋所深惡故降而稱子以正其罪禮曰四
夷雖大皆曰子其降而稱子狄之也春秋天子之事
仲尼假魯史用五刑奉天討
所以垂天子之法於後世也

案滕稱子杜氏與穀梁同張氏與胡氏同張氏
曰春秋諸侯之爵不輕貶絕惟用夷變夏崇獎
逆賊潰亂三綱之辜者則黜之故吳楚僭王祀
莒用夷則降爵黜號而滕首朝桓特黜而從後
日之稱子其說亦善發明胡氏者然春秋善善
長惡惡短先王罰弗及嗣安有一人之罪而世

世子孫受貶黜乎趙子以滕子此朝爲在喪而後日齊桓伯後方與杞薛皆降號以從會此亦爲有見者而在喪之說鑿矣故沙隨程可久以爲春秋時大國強暴每責賦於小國小國不堪多自降爵以從殺禮引子產爭承以爲證蓋亦用趙子意朱子極取之然考之於經諸侯降爵惟滕薛杞滕初稱侯自桓二年始書子薛初稱侯至莊三十一年始書伯以爲自降可也杞初稱侯至莊二十七年稱伯而襄二十九年來盟又稱子其子文十年稱伯而襄二十九年來盟又稱子其升降不一者此前說又不通矣且二邾皆自附庸升而爲子傳者以爲數從齊桓之會請于天子命爲諸侯据此則又似時王黜陟之說亦可行姑記所聞以俟知者○又案程氏謝氏皆曰滕侯爵降稱子以其臣屬於楚也朱子曰滕未嘗服楚不知程氏何据○又案胡氏說朱子嘗

疑之以問延平延平答以胡氏爲長後來滕之心
子孫碌碌無聞爲宋私屬不能自強聖人之心
必有其善然後進之若無所因是私意也紀侯
之說朱子亦疑之以爲若果如此則是義理之
正可以危急而棄之也延平亦取胡氏說以朱
子之說爲害義而滕子說朱子後又取沙隨之
言則是終
有疑也

三月公會齊侯陳侯鄭伯于稷以成宋亂

稷宋地。宋莊公元年。

左氏

會于稷以成宋亂爲賂故立華氏也以部大禹賂公齊陳鄭皆有賂故遂相宋公注經稱平宋

亂者蓋以魯君受賂立華氏貪縱之甚惡其指斥故遠言始與齊陳鄭爲會之本意也傳言爲賂故立華氏明經本書平宋亂爲公諱諱在受賂公羊內大惡立華氏也督未死而賜族督之妾也

公羊

內大惡諱此其

目言之何遠也注加以者辟直成亂也殺梁以者內

爾公爲志乎胡氏案左爲賂故立華氏也臣弑君凡

桓與諸侯會而受賂以立華氏使相宋公甚矣故特

子欲盡隱之而不可以欺後世其曰成宋亂而不書

獨此與襄公末年會于澶淵各書其事者一則受宋

以示賤焉然澶淵之會深諱魯卿而重賤諸國之大

亂則其罪已明不必諱公與陳氏會未有言其所爲

大夫以定州吁而州吁訖於討今也合四國之君以

立華督督遂相宋莊弒君之禍接迹於天下四君爲之也春秋之衰敗至於變文嚴矣以變文爲猶未也而直言其所爲舍此無復見者矣雖然有孔父焉東遷之初國猶有臣子也

案春秋會言其事者惟此與澶淵盟言其所爲者惟盟薄釋宋公皆特筆也君臣夷夏之大變

也又案謝氏曰去其亂之爲平遂其事之謂成

夏四月取郕大鼎于宋戊申納于大廟戊申五月左氏禮

也臧哀伯諫曰君人者將昭德塞違以臨照百官百官於是乎戒懼而不敢易紀律今滅德立違而昭違亂之賂器於大廟公羊此取之宋其謂之郕鼎何器其若之何公不聽公羊從名地從主人宋始以不義取之故謂之郕鼎遂亂受賂納于大廟非禮也注器從名從本主名名之正其本名也地從主人從後所

屬主人部本所以有大鼎者周家以世孝天瑞之穀
鼎以助享祭諸侯有世孝者天子亦作鼎以賜之穀
梁桓內弑其君外成人之亂受賂而退以事其祖非
禮也其道以周公爲弗受也部鼎者部之所爲也
曰宋取之宋也孔子曰名從主胡氏取者得非其有
人物從中國故謂之部大鼎也胡氏之稱納者不受
而強致之謂弑逆之人不能致討而受其賂器置於
太廟以明示百官是教之習爲夷狄禽獸之行也公
子牙慶父仲遂意如之惡又何誅焉故直載其事謹
書其日垂訓後世使知寵賂之行保邪廢正能敗人
之國家也亦
或知戒矣

案春秋致賂例宋以部鼎賂公而書取在魯魯
以濟西賂齊而書取在齊蔽罪於魯齊也齊致
衛寶而書來歸結正諸侯之罪不獨在魯也○
又案意林曰宋鼎書部齊倂書衛彭城書宋取

非所有據非所安雖
歷百世猶存其故名

秋七月紀侯來朝

左氏紀作杞公穀程左氏公即位穀氏皆作紀胡氏從之而來朝

梁

朝時此其月何也桓內弑其君外成人之胡氏桓亂已即是事而朝之惡之故謹而月之也

弑之禮則皆有貶焉紀侯何獨無貶方是時齊欲滅聘之禮則皆有貶焉紀侯何獨無貶方是時齊欲滅非紀侯求魯爲之主桓立而朝之也

案紀稱侯公羊注以隱二年考之紀本非侯爵此稱侯者天子將娶於紀故封之百里後恒稱

侯而穀注亦以爲蓋時王所進是皆不知紀子伯爲闕文之故爾又案紀來朝二

蔡侯鄭伯會于鄧

楚惠之始。張氏以鄧爲蔡地。左氏始懼

楚公羊離不言會此其言胡氏之患宣王蓋嘗命將

南征矣及周東遷僭號稱王憑陵江漢此三國者地與之鄰是以懼也其後卒滅鄧虜蔡而鄭以王室懿親爲之服役終春秋之世聖人蓋傷之也夫天下莫大於理莫強於信義循天理悖信義以自守其國家荆楚雖大何懼焉不知本此事醜德齊莫能相尚則以地之大小力之強弱分勝負矣觀諸侯會盟離合之迹而夷夏盛衰之由可考也觀春秋進退予奪抑揚之旨則知安中國待四夷之道矣

案楚自熊繹始受封六世至熊渠立其子康爲句亶王紅爲鄂王執疵爲越章王此僭王之始又八世至熊儀是爲若敖又二世至熊賁是爲蚡冒又一世至熊通是爲武王武王十九年入春秋侵隨於桓之六年合諸侯於桓之八年圍鄆敗鄧於桓之九年盟貳軫敗郟師蒲騷於桓

之十一年伐絞伐羅楚已大於江漢之間矣莊
公四年文王熊貲立莊六年而伐申莊十年而
執蔡侯莊十六年而滅鄧於是楚
勢益張他日爭伯之權輿始此

附錄

公羊離會說

公羊

注二國會曰離二人議各是其
所非其所非所道不同不能

決事定是非立善惡不足采取故曰離不
言會自三國以上言會者重其少從多也

九月入杞左氏

杞侯來朝不敬杞侯歸乃謀
伐之九月入杞討不敬也

穀梁我入

注不稱主名內之卑者据入
邠稱我此恐非我故發之

案程氏曰將卑師少稱人內則止云入某伐某
○又案左氏以前紀侯來朝爲杞侯故附會爲
不敬之說事正與僖二十七年杞桓公來朝而
公子遂入杞相類得非左氏因此而誤乎不然

把桓公以不共而得敗今杞武公何以不賤也故胡氏不從

公及我盟于唐冬公至自唐

書至之始

左氏

脩舊好也公至自唐告于廟也

凡公行告于宗廟反行飲至舍爵策勳焉禮也特相會往來稱地讓事也自參以上則往稱地來稱會成

事公羊

注凡致者臣子喜其君父脫危而至

穀梁

例致君者殆其往而喜其反此致君之意

義也離不言

胡氏

凡為人子者出必告反必面故君行必告廟反必奠而後入禮也出

告行反告至常事爾何以書或誌其去國踰時之久也或錄其會盟侵伐之危也或著其黨惡附姦之罪

也桓公弑君而立嘗列於中國諸侯之會而不書至同惡也今遠與我盟而書至者危之也程氏所謂居

夷浮海之意是矣語曰夷狄之有君不如諸夏之亡也言中國既不知義夷狄或能知義也

案至例凡公行一百七十有六書至者八十有二不書至者九十有四啖子曰告廟則書之于策夫子隨其所致而書以示功過且志其去國遠邇遲速也其有一出而涉兩事者或致前事或致後事夫子擇其重者志之也又有不致本事者蓋本事非功也十二公獨隱公不告蓋謙讓不以人君之禮自處也其餘不告或耻也或怠也陳氏有曰凡至危之也隱行不至桓至盟戎而已莊之適齊皆至之桓文有諸侯之事苟不得意則書至訖于斷道而後不至者鮮矣成之瑣澤襄之鄆之戲之役僅不至焉爾昭定之世無不至者哀或不至至會吳伐齊至黃池之會皆危之也是故夫人不至至出姜大夫不至至季孫意如叔孫婁案二家說皆有得處但陳氏以桓文不得意書至則召陵盟楚豈不得意啖子以本事非功故不致本事則同心圍齊何

得非功亦有不通者故獨胡氏說爲長而胡氏於致前事致後事之說又略焉則又當參以公

穀也。又案春秋書公至自地六唐穀乾侯瓦夾谷黃是也。

三年春正月左氏

注經之首時必書王明此歷天王之所頒也其或廢法違常失不班歷故

不書公羊

注無王者以見桓公無王而行也十年有王者數之終也十八年有王者桓公之終

也穀梁

桓無王元年有王謹始也其曰無王何也桓弟弑兄臣弑君天子不能定諸侯不能救百

姓不能去以爲無王之道遂可以至焉爾元年胡氏無有王所以治桓也二年書王正與夷之卒也

王而元年書春王正月以天道王法正桓公之罪也桓無王而二年書春王正月以天道王法正宋督之

罪也程氏曰弑君者不以王法正之天理滅矣穀梁子之義是也三年而後經不書王有以爲周不班歷

者昭公末年王室有子朝之亂豈暇頌歷而經皆書
王非不頌歷明矣又有以爲闕文者安得一公之內
凡十四年皆不書王其非闕文明矣然則云何桓公
弑君而立至于今三年而諸侯之喪事畢矣是入見
受命於天子之時也而王朝司馬不施九伐之刑鄰
國大夫不聞有沐浴之請魯之臣子義不戴天反面
事讎曾莫之耻使亂臣賊子無所忌憚人之大倫滅
矣故自是而後不書王者見桓公無玉與天王之失
政而不
王也

案桓公惟元年二年十年十八年有王趙氏以
爲後人誤加其說已非而注穀梁者見二年書
王以爲正與夷之卒遂附會以爲十年書王正
終生之卒是又不知正弑逆之義矣注公羊者
於十年十八年書王得之而元年書王以爲桓
公此時未敢無王至三年始著其無王之罪是

又穿鑿之甚也故胡氏獨取程子。又案范氏例春秋上下無王者凡一百有八桓無王見不奉王法餘公無王者為不書正月不得書王也宣亦篡位而不去者罪之輕重異也

公會齊侯于贏贏齊東南邑泰山贏縣左氏成昏于齊也注公不由媒介自與齊侯會

而成昏張氏亂臣賊子與會而為非禮也昏著齊侯之羣也

夏齊侯衛侯胥命于蒲蒲衛地左氏不盟也注申約言以相命而不歃血也

公羊胥命者何相命也何言乎相命近正也近正奈何古者不盟結言而退注善其近正似於古而

不相背故書穀梁胥之為言猶相也相命而信論謹以撥亂也言而退以是為近古也是必一人

先其以相言之何也不以齊侯命衛侯也注胡氏公申約言以相達不歃血而誓盟古謂五帝時胡氏公

曰相命近正也人愛其情私相疑貳以成傾危之俗其所由來漸矣有能相命而信諭豈不獨爲近正乎故特起胥命之文於此有取焉聖人以信易食答子貢之問君子以信易生重桓王之失信去則民不立矣故荀卿言春秋善胥命

案胥命諸傳皆善之惟趙子以爲譏其無人君之禮而陳氏曰相命者相推長也諸侯不稟於王而私相命於是始子頹之亂虢公鄭伯胥命于弭不書以其謀王室也非王事而胥命是相推長而已矣於是齊侯稱小伯而黎之臣子亦以方伯責衛侯桓文之事其所由來者漸矣其說本薛氏而張氏復推明之曰東遷以來王政不綱賢伯之思自秦離之作已可見隱公而降莫有任中國之事者獨齊衛爲列國之望欲私天下之權於已遂起而圖之西周方伯皆命於

天子今欲專之事出創見必求勢力之均相遜相先布之天下耳目而不以爲異然後疆者乃敢專之故蒲之胥命正齊衛非命伯而專征之始此春秋所以特書而謹之其說近是然於三傳皆無据姑具于此

六月公會祀侯于郕

穀梁曰郕魯地○郕祀作紀郕作盛

左氏祀求張

氏

鄭公羊作紀紀與魯親而求援于魯以抗齊鄭故桓公因其二年來朝而與之會也

秋七月壬辰朔日有食之既公羊

既者何盡也

穀梁

既者盡也

之辭也注盡而復生謂之既

胡氏

日者衆陽之宗人君之象而有食之既則其變大矣先儒以爲

荆楚僭王鄭拒王師之應

案日食例皆見前食既例三此年及宣
八年七月襄二十四年七月皆大變也

公子翬如齊逆女左氏

脩先君之好穀梁逆女親者也
故曰公子之好穀梁逆女親者也
使大夫非正

也注翬稱公子者此胡氏娶妻必親迎禮之正也若
桓不以爲罪人也夫邦君以爵則有尊卑以

國則有大小以道途則有遠邇或迎之於其國或迎
之於境上或迎之於所館禮之節也紀侯於魯以小

大言則親之者也而使公子翬往是不重大昏之禮失其
則親之者也而使公子翬往是不重大昏之禮失其

節矣
故書

案逆女例諸侯親迎常事不書書魯之逆者五
惟莊逆哀姜以仇女爲譏其餘若翬逆文姜公
子遂逆穆姜叔孫僑如逆齊姜皆卿爲君逆也
出姜不書逆者蓋公也譏禮成于齊故不斥公

也春秋以非常書之左
氏以卿逆爲合禮誤矣

九月齊侯送姜氏于謹

謹魯地

左氏

非禮也凡公女嫁于敵國姊妹則上卿送

之公子則下卿送之於天子則諸卿皆行公不自公送注已去齊國故不言女未至於魯故不稱夫人

羊諸侯越竟送女非禮也此入國矣何以不稱夫穀人父母之於子雖爲鄰國夫人猶曰吾姜氏

梁禮送女父不下堂母不出祭門諸母兄弟不出闕門

公會齊侯于謹夫人姜氏至自齊公羊鞶何以不致穀

梁公會齊侯無譏乎曰爲禮也齊侯來公逆而會之可也夫人至不言鞶之以來何也公親受之于齊

合二姓之好以繼萬世之後何謂已重乎孔子曰胡氏昏禮

必親迎則授受明後世親迎禮廢於是父母兄弟
越竟而送其女者以公子翬往則既輕矣爲齊侯來
乃逆而會之于讎是公之行其重在齊侯而不在姜
氏豈禮也哉不言以至者既得見乎公也不能防閑
於是乎在傲苟之刺非矣禮者所以別嫌明微制
治於未亂不可不謹也娶夫人國之大事故詳制

案夫人至例啖子曰夫人初至皆書告于廟也
經書夫人至三文姜得見公故不書翬以穆姜
齊姜書遂僞如書以者言不當以也哀姜書入
不可見乎宗廟也出姜不書至貶成禮于齊也
昭公娶吳女不書
至耻娶同姓也

冬齊侯使其弟年來聘左氏致夫人也注古者女出嫁
又使大夫隨加聘問存謙

敬序殷勤也在魯而出則曰
致女在他國而來則總曰聘

有年左氏

注五穀皆年公羊有年何以書亦以喜書也大有

曰有年何僅有年也彼其曰大南年何大豐年也僅

有年亦足以當喜乎恃有年也注恃賴也若桓公之

行諸侯所當誅百姓所當叛而元年大水二年耗減

民人將去國喪無日賴得五穀皆有故喜而書之所

以見不肖之君爲國尤危又穀梁也注凡書有年者

明爲國家者不可不有年

冬五穀畢入計用胡氏舊史災異與慶祥並記故有

豐足然後書之

不記聖人亦不能附益之也然十二公多歷年所有

務農重穀閔雨而書雨者豈無豐年而不見於經是

仲尼於他公皆削之矣獨桓有年宣大有年則存而

弗削緣此二公獲罪於天宜得永旱凶災之譴今乃

有年則見反常也故以爲異特存耳然則天道亦僭

乎桓宣享國十有八年獨此二年書有年他年之歉

可知也而天道不差信矣此一事也在不脩春秋則
爲慶祥君子筆之則爲變異是聖人因魯史舊文能
立興王之張氏桓公行惡其所感召如元年大水五
新法也
僅熟故以爲異特書之所以
著桓公之罪憫魯國之民也

案有年大有年三傳皆以爲祥而趙子亦例於
慶瑞門與獲麟同例其說曰符祥者天地所以
答人是以志之凡豐年皆告于宗廟勤民而敬
先也其不書者不告廟也此說亦未達春秋不
書祥瑞之意至程氏發明與旨然後
以爲記異此得於言意之表者也

四年春正月公狩于郎左氏書時禮也注冬獵曰狩周
之春夏之冬也田狩從夏

時郎非國內
之狩地故書公羊
狩者何田狩也春曰苗秋曰蒐冬
曰狩常事不書此何以書譏遠也

注禮諸侯田穀梁四時之田皆爲宗廟之事也春曰狩不過郊

田用三焉唯其所先得一爲乾胡氏何以書讖速也

豆二爲賓客三爲充君之庖

狩所以講大事也用民以訓軍旅所以示之武而威天下取物以祭宗廟所以示之孝而順天下故中春

教振旅遂以蒐中夏教蒐舍遂以苗中秋教治兵遂以獮中冬教大閱遂以狩然不時則傷農不地則傷

物田狩之地如鄭有原圃秦有具圃皆常所也違其常所則犯害民物而百姓苦之可不謹乎以非其地而必書是春秋謹於微之意也每謹於微然後王德全矣

案四時之田春蒐夏苗秋獮冬狩見於周禮爾雅而左氏記臧僖伯之言亦同獨公穀所言皆

不合穀疏曰左氏之文是周公制禮之名二傳之文或春秋取異代之法或當時天子諸侯別

法經典散亡無以取正觀此則胡氏取周禮之說
是矣。又案田狩之地張氏曰凡國之蒐狩自有
常處皆擇山林翳密之地因田獵而從禽魯之大
野乃常狩地故西狩不書地觀此則譏遠之說信
矣。又案春秋書狩四于郎譏遠于禋譏親饑河陽
本非狩狩以避召王之名西狩本常事持以志非
常之瑞各有義耳

夏天王使宰渠伯糾來聘左氏

父在故名注宰官渠氏伯糾名也不書秋冬史

闕公羊

宰渠伯糾者何天子之下大夫也注稱伯者上敬老也下去二時者桓公無王天子不能

討反下聘之故

胡氏宰冢宰也渠氏伯爵糾其名也去二時以見貶糾位六卿之長降而書名貶也

大司馬九伐之法諸侯有賊殺其親則正之放弑其君則殘之桓公之行當此二者舍曰不討又聘焉失

天職矣操刑賞之柄以取下者王也論刑賞之法以詔王者宰也太宰建邦六典而乃爲亂首承命以聘弑君之賊乎故特取而書名見宰之非宰矣始而來聘冢宰書名以見貶終而追錫王不稱天以示譏其義備矣夫咺賈仲子糾聘桓公其事皆三綱所係然咺獨書官糾兼稱爵何也如咺者豈初得政猶未受封而糾則或以諸侯入相或既相而已封者乎嫡妻之分君臣之義無所輕重糾以既封故兼稱爵見春秋責相陳氏有聘桓者矣必宰自爲之意也使而後貶其甚者也

案宰糾書名左氏直譏其攝父職以出聘已昧於仍叔子之文而杜注又以伯糾爲名則伯乃字稱而非名也公穀皆以爲下大夫係官氏名且字以宰爲官氏渠爲名糾爲字而以伯爲老稱則單伯祭伯亦老稱乎蓋欲言微者而經稱伯欲言尊卿則連名故爲是臆說耳是皆不知

春秋責宰相
之書法也

五年春正月甲戌

陸氏曰此下文脫

巳丑陳侯鮑卒

杜氏曰甲戌前年十

二月二十一日巳

左氏

陳亂文公子佗殺太子免而代之公疾病而亂作國人分散故

再赴注佗鮑之弟五父也

案三傳不究闕文之義公羊則曰曷爲以二日卒之戕也甲戌之日亡巳丑之日死而得君子疑焉穀梁則曰陳侯以甲戌之日出巳丑之日得不知死之日故舉二日以包之左氏則以爲再赴其謬戾甚矣

夏齊侯鄭伯如紀左氏

齊侯鄭伯朝于紀欲以襲之紀人知之注紀人懼而來告故書

胡氏

夫如者朝詞也尊不朝乎卑大不朝乎小紀之爲紀微乎微者也齊在東州尊則方伯鄭亦大

國也並驅而朝紀乃懷詐諛之謀欲以襲之而不虞紀人之覺也其志憯矣外相如不書此何以書紀人主魯故來告其事魯史承告故備書于策夫子脩經存而不削以小國恃大國之安靖已而乃包藏禍心以圖之亦異於興滅國繼絕世之義矣故存而不削以著齊人滅紀之罪明紀侯去國之由劉敞意林所謂聖人誅意之效是也

案外相如例二州公如曹爲來魯書也齊鄭如紀爲紀人來告也此皆非常例公羊直以爲離不言會穀梁又以爲過我而書不及左氏遠矣○又案春秋之初齊僖鄭莊皆小人之雄合謀同心以吞噬小國爲事自隱二年石門之盟至桓十一年惡曹之盟二十年間二國爲一伐宋

入郕入許立督今又相與謀紀自二君如紀之後紀百計求援六年會于成其冬來朝謀於魯也深矣九年季姜歸京師在於周也至矣十一年鄭莊卒後齊鄭之黨方散故十三年紀侯得魯鄭而僥倖於一勝然怨愈構矣十五年齊僖卒襄公立十七年于黃之盟魯欲平二國也而襄公方襲小伯之勢豈顧一盟而棄僖公之業哉故莊元年而遷邾鄆郟矣三年而紀季入鄭矣齊勢方盛鄭亦棄紀而爲垂之遇矣故自齊鄭如紀蓋十有七年而紀卒去國齊可罪也鄭莊之惡可勝誅哉

天王使仍叔之子來聘

仍穀梁作任

左氏

弱也注仍叔天子之大夫本於父字

幼弱之辭也譏使童子出聘

公羊

譏父老子穀梁

錄

父以使子也故微其君臣而

著其父子不正父在子代任之詞也注胡氏識世官君闇劣於上臣苟進於下蓋參譏之非公選

也帝王不以私愛害公選故任者世祿而不世官周衰小人得政援引親黨分據要途施及童稚公道不行然後國家傾覆春秋書武氏仍叔之子云者戒後世人主徇大臣私意而用子弟之弱者居公選之地以敗亂其國家欲其深省之也

葬陳桓公。城祝丘左氏注齊鄭將襲紀故

秋蔡人衛人陳人從王伐鄭左氏王奪鄭伯政鄭伯不朝王以諸侯伐鄭鄭

伯禦之王爲中軍統公林父將右軍蔡衛屬焉周公黑肩將左軍陳人屬焉鄭曼伯爲右拒蔡仲足爲左拒原繁高渠彌以中軍奉公爲魚麗之陳戰于繡葛蔡衛陳皆奔王卒大敗祝聃射王中肩王亦能軍祝

聃請從之公曰君子不欲多上人况敢凌天子乎苟
自救也社稷無隕多矣夜鄭伯使祭足勞王且問左
右公羊其言從王伐鄭何正也注美其穀梁其舉從
得正義也故以從王征伐錄之穀梁者之詞
何也爲天王諱伐鄭也鄭同姓之國也在乎冀州於
是不服爲天子病矣疏謂若王不親伐直舉三國從
王命之胡氏春秋書王必稱天者所章則天命也所
詞也胡氏用則天罰也王奪鄭伯政而怒其不朝
以諸侯伐焉非天討也故不稱天魯桓宋督弑君則
遣使來聘而莫之討鄭伯不朝貶爵可也何爲憤怒
自將以攻之也移此師以加宋魯誰曰非天討乎春
秋天子之事述天理而時措之者也既譏天王以端
本矣三國以兵會伐則言從王者又以明君臣之義
君行而臣從正也戰而不言戰敗而不言敗又以存
天下之防也三綱軍政之本聖人寓軍政於春秋
秋而書法若此皆裁自聖心非國史所能與也陳氏

春秋之初王室多諱詞其曰蔡人衛人陳人從王伐鄭尊王也

案春秋王師之出有二伐鄭救衛是也陳氏曰王師不書書伐鄭伐鄭不服而後王命不行於天下書救衛救衛無功而後王命不行於天下此說固是然春秋明道不計功故伐鄭不書矣而救衛書子突又不可一槩論也○又案春秋王不稱天者惟昭仲子錫命桓公舍昭成風與此年伐鄭爾皆弗克若天也

附錄陳氏

春秋之法有天子在則其諸侯稱人有諸侯在則其大夫稱人

大雩左氏

書不時也凡祀啓蟄而郊龍見而雩始殺而嘗閉蟄而烝過則書注龍見建巳之月蒼龍

宿之體昏見東方萬物始盛待雨而公羊大雩者何大故祭天遠爲百穀祈膏雨雩遠也

旱祭也言

雩則早見言早則雩不見何以書記災也注祭言大雩大旱可知也君親之南郊以六事謝過自責使童男女各八人舞而穀梁例雩得雨曰雩不得雨曰旱呼雩故謂之雩

穀梁疏賈逵曰言大雩者別於山川之雩雩吁也胡氏大雩者雩于上帝用盛樂也諸吁嗟以求雨也侯雩于竟內之山川爾魯諸侯而郊禘大雩欲悉書于策則有不勝書故雩祭則因早以書而特謂之大郊禘亦因事以書而義自見皆國史所不能與君子以爲性命之文是也諸侯不得祭天地大夫不得祭山川禮也明乎春秋所書郊禘大雩之義則知聖人治國如指諸掌之說矣

案經書雩二十一止書秋者七此年及成三襄五十六昭八定七十二是也書八月者四僖十一襄二十八昭三二十四是也書七月者二昭二十五是也書九月者七僖十三襄八十七昭

六十六定元定十是也書冬者一成七年是也蓋左氏但知龍見而雩爲正故以爲不時而不

知因旱而雩乃記災也公羊以大雩爲大旱趙子以稱大爲偏雩舊說又以爲大者禮物有加

也是皆不知大雩之爲僭矣穀梁例曰雩月正也時不正也其說以爲必待時窮人力盡而後

請之此又豈君人之心哉穀梁又以爲請乎應上公是又不知諸侯雩于山川之義疏說以爲

天尊不敢指斥故請其屬神蓋因穀之說而爲之詞也一年而二雩者昭二十五定七年也皆

旱甚而無格天之誠也季辛又雩不言大者啖子曰承上文也

冬蝻作蝻公羊左氏注蝻之屬公羊記災也注蝻者穀梁

也蝻災

案程氏曰蝗也既早又蝗饑不必書也。又案經書僉十一桓五宣十三十五皆書秋文八書冬僂十五宣六襄七皆書八月哀十三書九月哀十二十三書十二月穀梁所謂甚則月不甚則時也雨僉于宋外災告則書也

冬州公如曹左氏

淳于公如曹度其國危遂不復注淳于州國所都不書奔以朝出也爲下

寔來

穀梁

外相如不書此書過我也

胡氏

天子三公稱公王者之後稱公州公諸侯而稱

公者昔畢公以父師而保釐東土衛武以列國而入相于周蓋與後世出入均勞之意同此其所以稱公也外相如不書此何以書將有其末故先錄其本

六年春正月寔來左氏

自曹來朝書曰寔來不復其國也注寔實也不言州公者承上

五年冬經間無異事省文也言奔則來行胡氏寔者朝禮言朝則遂留不去故變文言寔來

州公

名也春秋之法諸侯不生名失地滅同姓則名正名經世之本名正而天下定矣或曰諸侯失國而後託於諸侯孟子以爲禮今州公來朝將以諸侯之禮接之乎則春秋乃書其名將以匹夫之賤畜之乎則孟子乃以託國爲禮將何處而可曰世衰道微諸侯放恣其有壤地褊小迫乎大國之間而失國是不幸也非其罪也則以諸侯之禮接之可也若譚子在莒莊子在黃溫子在衛雖失國出奔而春秋不名義可見矣若夫不能脩道以正其國或棄賢保佞或驕奢淫佚或用兵暴亂自底滅亡如蔡獻舞邾益曹陽州寔之徒皆其自取焉耳則待之以初乃禮之過也觀春秋名與不名則知所以處寓公之禮與強爲善自暴棄者之勸誠矣

案春秋書來例祭伯不與其朝介葛盧曰狄皆不能朝也其餘若內女書來則歸寧之詞也獨寔來之文公羊則曰猶曰是人來也以其化我故慢之注行過無禮曰化穀梁曰謂之寔來何也以其畫我故簡言之也二家皆以爲州公過魯而朝他國故爲此說然於寔字之義殊無謂惟趙子以爲王氏譏其外交則可與祭伯來義合然於寔字亦只用杜氏說則考之經例未有用虛字行文者故程子胡氏直以爲州公名此亦有見然記禮者有伯父寔來左氏又有鞏伯寔來之語又似難以爲名姑記於此以俟考訂○又案杜氏以淳于爲州國所都而桓十一年隨絞州蓼下注又曰州國在南

郡華容東南是有二州國也

夏四月公會紀侯于成

成魯地泰山鉅平縣東南○穀梁作邾

左氏

紀來

齊難也

秋八月壬午大閱左氏

北戎伐齊鄭太子忽救齊大敗我師於是諸侯之大夫戍齊

人饋之餼使魯爲其班魯以周班後鄭鄭忽以其有功怒故有郎之師秋大閱簡車馬也注魯懼鄭故以

非時簡公羊簡車徒也何以穀梁平而修戎事非正車馬書蓋以罕書也穀梁也其日以爲崇武

故謹胡氏周制大司馬中冬大閱教衆庶脩戰法獨詳於三時者爲農隙故也書八月不時矣

以鼓則王執路鼓諸侯執賁鼓以旗則王載太常諸侯載旂以殺則王下大綏諸侯下小綏其禮固不同

書大閱非禮矣先王寓軍政於四時之田訓民禦暴其備豫也懼鄭忽畏齊人不因田狩而閱兵車厲農

失政甚矣春秋非特以不時非禮書也乃天未陰雨徹被桑土綢繆牖戶之意

案大閔三傳意同惟穀梁以爲觀婦人無据不可取。又案程氏曰無事而爲之妄動也有警而爲則教之不素豈所以保其國乎不言公蓋懼鄭畏齊爲國講武非公之私欲也

蔡人殺陳佗

厲公躍立

左氏

注佗立踰年不稱爵者篡立未會諸侯又莊二十二年傳陳厲

公蔡出也故蔡人胡氏佗弑大子而代其位至是踰年不成之爲君者以賊討也

書蔡人以善蔡書陳佗以善陳善蔡者以蔡人知之爲賊善陳者以陳國不以佗爲君知其爲賊故稱人稱人者討賊之辭也不以爲君故稱名稱名者當討之賊也魯桓弑君而鄭伯與之盟宋督弑君而四國納其賂是不知其爲賊矣齊商人弑君者及其見殺則稱位蔡般弑父者及其見殺則稱爵是齊蔡國人皆以爲君矣聖人於此抑揚予奪可謂深切著明矣篡弑之賊外則異國皆欲致討而不赦內則國人

不以爲君而莫之與誰敢勸於
爲惡故曰春秋成而亂賊懼

案討賊例已見州吁下但公羊以爲佗淫獵于
蔡而蔡殺之穀梁以爲佗淫于蔡而蔡殺之皆
傳聞之謬耳獨程子曰蔡人雖以私殺之而春
秋與以討賊者廣爲義之塗也此善發明聖經

矣。又案殺他國君例四
陳佗鄆子蔡般戎蠻子也

九月丁卯子同生左氏

子同生以太子生之禮舉之接
以大牢卜士負之士妻食之公

與文姜宗婦命之問名於申繻命之曰同注即莊公
也十二公惟莊是嫡夫人之長子備用太子之禮故
史書之於策不稱公羊何言乎子同生喜有正也未
太子者書始生也公羊有言喜有正者此其言喜有
正者何久無正也子公羊子曰其諸以病桓與注胡
所以書莊公生者感隱桓之禍生於無正故喜之

氏嫡冢始生即書于策與子之法也春秋兼帝王之道賢可禪則以天下爲公而不拘於世及之禮子可繼則以天下爲家而不必於讓國之義萬世之達道也與賢者貴於得人與子者定於立嫡天下之達禮也故有君薨而世子未生之禮植遺腹朝委裘而天下不亂者以名分素明而民志定也經書子同生所以明與子之法正國家之本防後世配嫡奪正之事垂訓之義大矣其不曰世子何也天下無生而貴者誓於天子然後爲世子

案子同生左氏公羊皆同惟穀梁以爲疑故志之而注者以爲有同非吾子之疑此委巷之談也然適冢始生即書于策出姜之子赤亦適冢也不書何歟胡氏曰案左氏載子同生待以太子之禮載于史策名分一定文公不知此義故子赤見殺而出姜歸仲尼削之著君父之貴也

見通旨陳氏以爲莊公制於其母三十六年而後娶故其年不可不志此亦一說。又案士冠禮記文曰公侯之有冠禮夏之末造也天子之元子猶士也天下無生而貴者其誓於天子說

見周官典命

冬紀侯來朝左氏

請王命以求成胡氏

觀近臣以其所爲主觀遠臣以

其所主主者成敗之機榮辱之本也昭公棄晉主齊至於客死鄭伯逃齊主楚終以乞盟觀其所主而榮辱成敗見矣魯桓弑君之賊人人之所同惡夫人得而討之而主之以求援其能國乎然則何以免於貶志不在於朝桓也

七年春二月己亥焚咸丘左氏

注焚火田也咸丘魯地譏盡物故書胡氏

易稱王用三驅在禮天子不合圍諸侯不掩羣夫子
釣不綱弋不射宿皆愛物之意也推此心以及物至
於鳥獸若草木裕無淫獵之過
矣書焚咸丘所謂焚林而田也

案咸丘魯高平鉅野縣南有咸亭而
公穀以爲邾邑故有火攻之說恐非

夏穀伯綏來朝鄧侯吾離來朝左氏

名賤之也注不總
稱朝者各自行禮

也辟陋小國賤之
禮不足故書名

公羊

失地之君也其稱侯朝何貴
者無後待之以初也注下去

二時者桓公以
火攻人君故貶

胡氏

春秋之法諸侯不生名穀伯鄧
侯何以名桓天下之大惡執之

者無禁殺之者無罪穀鄧越國踰境相繼而來朝即
大惡之黨故特貶而書名與失地滅同姓者比焉經
於朝桓者或貶爵或書名或書人以深絕其黨撥亂
之法嚴矣誅止其身而黨之者無罪則人之類不相

賊殺爲禽
獸也幾希

附錄

四年七年說胡氏陽居春夏以養育爲事王者去秋冬說胡氏繼天爲之子則有賞陰居秋

冬以肅殺爲事王者繼天道也桓弟弑兄臣弑君而以春夏刑以秋冬象天也桓弟弑兄臣弑君而天討不加焉是陽而無陰歲功不能成矣故特去秋冬二時以志當世之失刑也獨於四年七年闕焉何也案周制大司馬九伐之法諸侯有賊殺其親則正之放弑其君則殘之桓弑隱而立大司馬九伐之法雖未之舉猶有望也及使冢宰下聘恩禮加焉則天下之望絕矣故四年宰糾書名而去秋冬二時以見天王之不復能用刑也田常弑其君孔子請討之以從大夫之後不敢不告也桓弑隱而立雖方伯連帥環視而未之恤猶有望也及穀薊二國自遠來朝則天下諸侯莫有可望矣故

七年穀伯鄧侯各書其名而去秋冬二時以見諸侯之不復能脩其職也然則見之行事不亦深切著明矣乎

案穀鄧書名公穀皆以爲失地之君此亦一說杜氏以爲禮不足則不當書朝趙氏以爲用夷禮亦又無据故胡氏不取去二時之說何氏得之於四年而七年火攻之論迂矣故胡氏用其前說昭十八年不書冬定十四年不書冬闕文也

春秋會通卷三

欽定四庫全書

春秋會通卷四

元 李廉 撰

桓公

八年春正月己卯烝左氏

閉蟄而烝注閉蟄建亥之月此夏之仲月非為過而書者

為下五月復烝見瀆也

公羊

烝冬祭也春曰祠夏曰禘秋曰嘗冬曰烝常事不書此何以書譏亟

也亟則躡躡則不敬君子之祭也敬而不躡疏則怠怠則忘注祭必於孟月取其見新物薦尚稻鴈烝衆也穀梁

也穀梁

烝冬事也春興之志不時也疏凡烝合在夏之十月

胡氏

案周官大司馬中冬教大

閔獻禽以享烝而魯之烝祭在春正月見春秋用周正紀魯事也春秋非以不時志也為再烝見瀆書也

穀梁子乃曰烝冬事春興之志不時
是以閉蟄而烝為是與周制異矣

天王使家父來聘

杜氏穀梁皆曰家氏父字

胡氏

下聘弑逆之人而不加貶何也既名

冢宰於前其餘無責焉乃同則書重之義以此見春秋任宰相之專而責之備也虞史以人主大臣為一體春秋以天王宰相為一心故歸賄仲子會葬成風則宰啗書名於前而王不稱天於後來聘桓公錫桓公命則宰糾書名以正其始王不稱天以正其終而祭叔家父之徒不與也故人主之職在論相而已矣

附錄

天子三公大夫士稱例

公羊

疏天子三公大夫士稱爵祭

稱伯仲字祭伯南季祭叔之類次大夫氏采稱不稱伯仲家采地父字也下大夫係官氏名且字宰渠伯糾是也上士名氏通石尚是也次士以官錄宰啗是也下士略稱人會王人于洮是也其劉子

單子之屬不稱字而稱子者謂諸侯入為天子大夫故設文非王臣之常稱周公加宰者天子為政也者

夏五月丁丑烝公羊

何以書穀梁烝冬事也春夏興之譏亟也

胡氏春秋之文有一句而包數義者有再書而一貶者戎伐凡伯于楚丘以歸之類一句而包數義

春正月己卯烝夏五月丁丑烝再書而一貶

案周禮紀四時祭名云春祠夏禘秋嘗冬烝公羊亦同毛詩云禘祠烝嘗此取協韻耳非有異也王制曰春禘夏禘秋嘗冬烝郊特牲曰春禘而秋嘗祭義與郊特牲同祭統與王制同吳氏草廬曰王制篇內禘皆當讀為祠禘皆當讀為禘此說是也趙氏曰禘非時祭之名也禮記諸

篇皆漢儒約春秋為之見春秋有禘于莊公遂
以為時祭見春秋惟兩書禘一閏二年五月一
僖八年七月一春一夏遂有春禘夏禘之說又
見春秋止有烝嘗禘三祭遂為諸侯缺一祭之
說皆不可信也而鄭玄注祭統及王制以為夏
殷禮誤矣○又案春秋止書烝嘗而不及祠禘
者四時祭常事不書此年以黷祀兩書烝桓十
四年以不敬書嘗祠禘二祭無他故則不書也
○又案趙子曰四時之祭皆夏時蓋用孟月宣
八年六月有事于大廟即夏之孟月也若有故
及日不吉則用仲月桓八年正月烝是也若又
有故及日不吉即用季月昭十五年二月有事
于武宮即夏之季月也經文並無譏然吉事先
近日苟有故而用季月涉於忘矣當用仲月為
嘉也此說是○又案趙子曰凡祭而非者稱祭
謂祭而失禮則書祭名以本下者稱事謂祭非

失禮為下事張本者則止書有事然則昭十五年二月有事即烝祭也宣八年六月有事即禘祭也而不書祭名非祭之失也此說是

秋伐邾張氏微者也

冬十月雨雪公羊

記異也注今八月未當雨雪此陰氣大盛兵象也是後有郎師龍門之戰

流血穀梁注月令曰孟冬行尤深穀梁秋令則霜雪不時

祭公來遂逆王后于紀左氏

禮也注天子娶於諸侯使同姓為之主祭公來受命

於魯故曰禮祭公諸侯為天子三公者

公羊

祭公者何天子之三公也何以不稱使昏禮不稱主

人遂者何生事也大夫無遂事此其言遂何成使乎我也其成使乎我奈何使我為媒可則因用是往逆

矣女在其國稱女此其稱王穀梁其不言使焉何也
后何王者無外其辭成矣不正其以宗廟之

大事即謀於我故弗與使也遂繼事之詞也其曰遂
逆王后故略之也或曰天子無外王命之則成矣

胡氏劉敞曰祭公王之三公也曷為不稱使不與王
之使祭公也師傅之官坐而論道其任重矣命

魯以昏姻之事大夫可矣何必三公任之重使之輕
故祭公緣此義得專命不報遂行如紀而王以輕使

為失祭公以遂行為罪矣此說是也為之節者宜使
卿往逆公監之則於禮得矣使祭公命魯主昏姻之

事則曰不可卿往公監之何以可乎命魯輕矣卿往
公監之重矣官師從單靖公逆王后于齊劉夏非卿

而書靖公合禮則不書故先張氏天子雖無親迎之
儒以為使卿逆公監之禮也禮然祭公謀於魯

則當復命於王然後遣於宗廟以明逆后之重今使
魯為媒而用是往逆輕褻王配何以示正始之道故

書若祭公之私行而以逆
后為遂事以深譏之也

案逆后例二此年及襄十五年劉夏也王者之
尊海內莫敵天子無自逆之禮趙子說是然孔
子對哀公冕而親迎為天地宗廟社稷之主又
似天子之禮曰魯有郊天祀地之禮故云爾非
必謂天子也○又案遂例十九穀梁皆曰繼事
之詞然亦有發傳者亦有不發傳者疏曰此是
例之首故發繼事之詞倍二十八年諸侯遂圍
許中間有事恐不相繼故發傳以明之曹伯襄
遂會圍許恐被釋而遂與常例異者重發之倍
四年遂伐楚恐華夷異故重發以同之宣元年
楚子鄭人侵陳遂侵宋恐尊卑異故亦發之宣
十八年歸父遂奔齊嫌出奔不得同於繼事故
發之襄十二年季孫宿遂入鄆嫌不受命與常
例不同故發之餘不發者並可知故省文也○

又案胡氏遂例見傳四年及三十年

九年春紀季姜歸于京師左氏

凡諸侯之女行唯王后書公羊其辭

則其稱紀季姜何自我言紀父母之於子雖為天王后猶曰吾季姜京師者何天子之居也京大也師衆

也天子之居必以穀梁為之中者歸之也胡氏自逆衆大之詞言之注中謂關與婚事者言

則當尊崇其匹故從天王所命而稱王后示天下之母儀也自歸者而言則當膠屈逮下故從父母所子而稱季姜化天下以婦道也皆正始之道王化之基春秋所謹也不盡書者惟過我與求告則書也

案逆后例三傳皆同獨陳氏曰后歸不書此何以書詳紀事也后妃母儀天下以為天地社稷

宗廟之主俄而宗國已焉是不可不詳也諸侯逆稱女至稱夫人尊夫人也天子逆稱后歸稱

季姜尊王也此亦有見故嘗疑六年冬紀侯方托魯請王命以求成于齊而公告不能今幸王有命魯求昏之事故魯亟為紀謀亦不待請王命而遂令祭公逆之所以托紀也而紀卒不免

春秋詳紀事紀亦可哀矣

夏四月

無事書夏四月十一自此年始

○秋七月○冬曹伯使其世子

射姑來朝左氏

曹大子來朝賓之以上卿禮也享曹大子初獻樂奏而歎施父曰曹大子其有

憂乎非歎所也

公羊

諸侯來曰朝此世子也其言朝何春秋有譏父老子代從政者則未知其在齊

與在曹與注齊世子光也

穀梁

朝不言使言使非正也使世子伉諸侯之禮而來朝曹伯失正矣諸

侯相見曰朝以待人父之道待人子以內為失正矣內失正曹伯失正世子可以已矣則是故命也尸子

曰夫已多乎道胡氏案周官典命凡諸侯之嫡子誓於天子而攝其君則下其君之禮一等未誓則

以皮帛繼子男世子固有出會朝聘之儀矣然攝其君繼子男者謂諸侯朝於天子有時而不敢後故老疾者使世子攝已事以見天子急述職也諸侯間於王事則相朝其禮本無時曹伯既有疾何急於朝桓而使世子攝哉大位姦之窺也危病邪之伺也世子君之貳也君疾而儲副出啟窺伺之心危道也當享而射姑歎踰月而終生卒其有疾明矣而使世子來終生之過也世子將欲已乎則方命矣曰孝子盡道以事其親者也不盡道而苟焉以從命為孝又焉得為孝故尸子曰夫已多乎道

案曹來朝五此年世子文十一年十五年成四年襄二十一年皆曹伯也朝桓之罪當與滕穀同貶張氏說是○又案使朝二此年及季姬使節子是也穀皆曰非正

十年春王正月胡氏

桓無王今復書王何也十者盈數也天道十年則一周人事十年則

一變故易稱守貞者十年而必反傳論遠惡者十年而必棄桓公至是其數已盈宜見誅於天人矣十年

書王紀常理也

案穀梁二年書王正與夷之卒是矣傳者不知正篡弒之旨遂以為諸侯之卒天子所隱痛

故書王以正之而此年曹伯適薨而附益之以為正終生之卒誤矣果然則陳侯鮑卒在五年之正月曷不書王以正之乎胡氏得之

庚申曹伯終生卒夏五月葬曹桓公○秋公會衛侯于

桃丘弗遇

桃丘衛地濟北東阿縣東南有桃城

左氏

注衛侯與公為會期中背公更與齊鄭故

公獨往而公羊會者何期辭也其言弗遇何公不見

不相遇也要也注時實桓公欲要見衛侯衛侯不肯見公以非禮動見拒有恥故諱使若會而不相

遇言弗遇者起公要之也弗者不之深起公見拒深

穀梁弗遇者志不相得也弗內詞也注倡會者衛魯

其實魯公弗被遇而托言衛侯不胡氏弗者遷詞惡

遇若衛侯不蒙魯公之接殺殺恥也胡氏失信也衛初

約魯會于桃丘至是中變而從齊鄭於是乎有郎之

師其戰于郎直書曰來盟于惡曹俱奪其爵則桃丘

之弗遇蓋惡衛侯之失信矣

案經書弗例四此年弗遇罪衛也文十六年齊

侯弗及盟罪季孫也然皆為內諱恥也追齊至

鄆弗及有畏也胡氏皆以為遷詞晉人納捷菑弗克納則亦遷善之義矣

冬十有二月丙午齊侯衛侯鄭伯來戰于郎左氏

我有詞也

初北戎病齊諸侯救之鄭忽有功焉齊人餽諸侯使魯次之魯以周班後鄭鄭怒請師于齊齊人以衛助之故不稱侵伐先書齊衛王爵也注公羊郎者何吾善魯之用周班惡三國之討有詞

公羊

郎者何吾近邑也吾

近邑則其言來戰于郎何近也惡乎近近乎國也此偏戰何以不言師敗績內不言戰言戰乃敗矣注偏戰者結日定地各居一穀梁來戰者前定之戰也不面鳴鼓而戰不相詐也穀梁言其人以吾敗也不言及者為內諱也注先已結期戰春秋不以內書戰則敗也胡氏春秋加兵于魯戰者此獨不稱侵伐而以來戰為文何也兵凶器戰危事聖人之所重也誅暴禁亂敵加於已蓋有不得已而應之者矣未有悖道縱欲得已不已而先之者也魯桓弒立天下大惡人人所得討鄭伯則首盟于

越以定其位齊侯則繼會于稷以濟其姦曾不能修方伯之職駐師境上聲罪致討伸天下之大義也今特以私忿小怨親帥其師戰于魯境尚為知類也哉此春秋所必誅而不以聽者也故以三國為主而書來戰于郎鄭人主兵而首齊猶衛州吁主兵而先宋

案內兵書戰六此年戰郎十二年戰宋十七年戰奚者諱魯也莊九年特書敗績者惡魯也桓十三年成二年書戰書敗績者此會外兵例非魯事也○又案穀梁傳例曰不日疑戰也則書日者結日列陳也此說是○又案穀梁以來盟為前定之盟故以來戰為前定之戰恐非又公羊疏曰凡言來者嚮內之辭楚屈完來盟于師据師道楚故得言來○又案張氏曰春秋以主客之詞辨用兵之曲直殘民之重輕其罪魯而書公及諸侯戰者多矣今三國以爭忿小故無

詞而伐有詞則罪在三國不容不反常例以明之故今年之書其文異其詞嚴專罪三國特書其來戰以示外有罪則為主之例此說是而趙子以為春秋紀兵無曲直之異恐非也○又案劉氏曰來戰者外為志乎此戰也

十有一年春正月齊人衛人鄭人盟于惡曹左氏齊衛鄭宋

盟于惡曹注微公羊注微胡氏盟會皆君臣之禮故微

宋不書經闕

公羊

者盟

胡氏

盟會皆君臣之禮故微

凡春秋所志必有君與貴大夫居其間者也惡曹之盟即三國之君矣既不以道興師為郎之戰又結怨固黨為惡曹之盟故前書其爵而以陳氏此郎之諸侯也曷為來戰著罪後書此盟而以奪爵示貶

戰稱君盟稱人凡一役而再見者但人之略之也猶曰上無天子下無方伯莫適為主則人自為盟而已

矣鄭敗王師齊滅后之母家而衛亦抗子突以自立無王甚矣自有參盟莫甚於惡曹故略之也

案外盟書人例四惡曹鹿上清丘陳氏皆曰人自為盟也齊人狄人盟于邢則進狄之詞不入

此例

夏五月癸未鄭伯寤生卒秋七月葬鄭莊公左氏鄭昭公之

敗北戎也齊人將妻之昭公辭祭仲曰必取之君多
內寵子無大援將不立三公子皆君也弗從夏鄭莊
公卒祭仲立昭公宋雍氏女於鄭莊公曰雍姑生厲
公雍氏宗有寵於宋莊公故誘祭仲而執之曰不立
突將死亦執厲公而求賂焉祭仲與宋人盟以厲公
歸而立之九月昭公奔衛厲公立注昭公世子忽也
厲公突也祭仲
祭封人仲足也

九月宋人執鄭祭仲左氏

注祭氏仲名不稱行人穀梁聽迫脅以逐君罪之也

宋人者宋公也其曰人何貶之也注惡其執人權臣廢嫡立庶胡氏祭於宋使出其君而立不正罪較然矣何以不名命大夫也命大夫而稱字非賢之也乃尊王命貴正卿大祭仲之罪以深責之也若曰以天子命大夫為諸侯相而執其政柄事權重矣固將下庇其身而上保其君今乃至於見執廢絀其君而立其非所立者不亦甚乎任之重者責之深祭仲無所逃其罪矣春秋美惡不嫌同詞突之書名則本非有國由祭仲立之也若忽則以世嫡之正至於見逐不能立乎其位貴賤之分已矣凡此類抑揚其詞皆仲尼親筆非國史能與也或曰孔父賢而書名則曰禮之大節也今此則名其君於下字其臣於上何以異乎曰春秋者輕重之權衡也變而不失其正之謂權常而不過於中之謂正宋殤孔

父道其常祭仲昭公語其陳氏祭仲何以不名命大
變惟可與權者其知之矣夫也祭仲以大夫專

廢置君曷為從其恒稱而不名春秋之衰貶名號不
足以盡意則見於辭書曰宋人執鄭祭仲突歸于鄭

鄭忽出奔衛其為詞也詳張氏死難臣道也祭仲為
矣則從其恒稱不名可也鄭正卿貪生畏死背

先君之命而立庶孽故
穀梁子曰惡祭仲也

案祭仲左氏稱祭仲足而以仲為名穀梁同之
胡氏陳氏以為命大夫則仲為字矣二說既不

合而公羊則曰何以不名賢也何賢乎祭仲以
為知權也其說曰其知權奈何古者鄭國處于

留先鄭伯有善于鄩公者通乎夫人以取其國
而遷鄭焉而野留莊公死已葬祭仲將往省于

留遂出于宋宋人執之謂之曰為我出忽而立
突祭仲不從其言則君必死國必亡從其言則

君可以生易死國可以存易亡少遼緩之則突
可故出而忽可故反是不可得則病然後有鄭
國古人之有權者祭仲之權是也權者何權者
反於經然後有善者也權之所設舍死亡無所
設行權有道自貶損以行權不害人以行權殺
人以自生亡人以自存君子不為也注者又以
為祭仲知國重君輕君子以存國除逐君之罪
於是漢儒反經合道之失出此矣故范氏以為
害義傷教不可從要之胡氏說是蓋經書命大
夫有三魯有單伯鄭有祭仲陳有女叔皆無所
書而不尊之貴王命也其是非則見乎事矣故
陸氏例曰諸國大夫王賜之畿內邑為號令歸
國者皆書族書字同於王大夫敬之也得之矣○又案
經書他國執他國大夫九祭仲鄭詹陳濤塗衛
甯喜宋仲幾皆稱人以執不稱行人鄭良霄衛
石買宋樂祈衛北宮結皆稱人以執不稱行人

事各不同執而殺者二齊慶封陳干徵師也執
內大夫四齊執單伯晉執行父意如媯也穀梁
稱人以執大夫執有罪也此例不通啖子曰凡
稱行人而執以其事執也不稱行人而執以已
執也公羊曰稱人以執非伯
討也此說是餘見僖十九年

突歸于鄭左氏

注為宋所公羊注突何以名挈乎祭仲也
納故曰歸公羊注欲明祭仲從宋人命

提挈而納之故穀梁曰突賤之也曰歸易辭也祭仲
上係於祭仲易其事權在祭仲也死君難臣

道也今立惡而胡氏突不稱公子絕之也小白入齊
黜正惡祭仲也則曰齊小白突歸何以不曰鄭

突乎以小白係齊明小白之宜有齊也不以突係鄭
正厲公不當立也突不當立何以書歸春秋書歸有

二義一易詞一順詞也其書入亦有二義一難詞一
逆詞也突以庶奪正固為不順然內則權臣許之立

外則大國為之援而世子忽之才不能自固也則其歸無難故穀梁子曰歸易詞也

附錄

歸入

左氏

成十八年傳曰凡去其國國逆而例立之曰入復其位曰復歸諸侯納

之曰歸以惡入曰復入注此四條所以明內外公之援辨逆順之辭通君臣取國有家之大例

羊

復歸者出惡歸無惡復入者出無惡穀梁例曰入有惡入者出入惡歸者出入無惡

善自某歸次之又曰歸易辭也則歸有二義善者謂之歸易者亦謂之歸也大夫出奔反以好曰歸

以惡入

案經以篡而書歸者二此年突莊二十四年赤執而歸者二僖三十年衛侯鄭成十六年曹伯也大國得封而書歸者二昭十三年蔡侯廬陳侯吳也書歸例惟穀梁得之公羊失於祭仲知

權之說故以書歸為
順祭仲之詞不可取

鄭忽出奔衛

書奔

左氏

注莊公既葬不稱爵公羊忽何

春秋伯子男一也詞無所賤注春秋改周之文從殷
之質爵三等合伯子男為一若忽稱子則同於成君
故名穀梁其名失國也疏此年書名表其胡氏忽以
失國十五年稱世子明其反正

正也出奔而名不能君也考於詩有女同車刺無大
國之助也山有扶蘇所美非美然也薄兮君弱臣強
不倡而和也狡童不能與賢臣圖事權臣擅命也夫
以狡童目其君聖人猶錄其詩所以見忽之失國亦
其自取非獨仲之罪矣或曰詩人刺忽不昏於齊至
於見逐欲固其位者必待大國之援乎曰此獨為鄭
忽言也如忽之為人苟無天援則不能立爾若夫志
士仁人卓然有以自立者進退之權在我矣鄭自五

伯之後益以侵削他日子產相焉馳詞執禮以當晉
楚至於壞諸侯之館垣卻逆女之公子于野皆變其
常度以晉楚之強卒莫能屈亦待大國之助乎然則
仲見脅忽出奔咸其自取焉爾春秋書法如此欲人
自強於陳氏鄭忽何不能為子也身為冢嗣
為善也而廢立自權臣不可以言子矣

案經書君奔而名者三鄭忽曹羈皆展與也趙
子曰忽羈不書爵言不能嗣先君也展與雖踰
年猶不書爵其罪大也○又案春秋初年戮天
下之彘倫者自鄭莊始殺弟誓母敗王師自以
為保國之計得也然身沒未幾而世嫡出奔庶
孽奪正公子互爭兵革不息忽儀壘突之際其
禍惜矣亂之初生起於一念之不善後世則而
象之至於兄弟相殘國內大亂莊公之事可為
永鑑矣突篡位四年而出奔昭公以桓十五年
入國其秋突因櫟人殺檀伯而入櫟據強都以

窺鄭諸侯會于袤又會于曹以納之而弗克然
 突固分國以居矣十七年高渠彌弑昭公而立
 公子亶十八年齊人殺子亶祭仲逆子儀于陳
 而立之莊十四年突自櫟侵鄭傅瑕殺子儀及
 其二子而納焉於是鄭國之禍稍息而楚兵迭
 至矣鄭莊之奸雄亦果何益哉四公子之事多
 不見經故具于此

柔會宋公陳侯蔡叔盟于折陸氏例以蔡叔為蔡侯弟公會宋公于

夫鍾夫鍾邨地冬十有二月公會宋公于闕闕魯地左氏注柔魯大

夫未賜族者蔡叔蔡大夫叔名也公羊柔吾大夫之未命者也穀梁注蔡叔蔡大夫名未

命故胡氏臣與宋公盟于折君與宋公會于夫鍾于不氏闕于虛于龜皆存而弗削何其詞費也曰

盟者春秋所惡而屢盟以長亂會者諸侯所不得而數會以厚疑聖人皆存而不削於以見屢盟而卒叛數會而卒離其事可謂著明矣是故春秋之志陳氏在於天下為公講信修睦不以會盟為可恃也陳氏柔者何以大夫會諸侯盟於是始故貶之至公子結不貶矣

案陸氏例魯卿雖未命者書其名詳內事也無駭暈柔溺是也注以為多是隱公時隱公謙居攝故不爵命大夫蓋用穀梁說也然穀梁於無駭暈溺皆以為貶獨俠柔為未命公羊又止以無駭暈為貶而俠柔溺皆為未命杜氏又止以暈溺為貶而無駭俠柔為未賜族是皆不可知胡氏於未命例又止曰無駭俠而不及於柔故疑柔不書氏或如陳氏之說○又案陸氏例諸侯兄弟以國連字者有蔡叔蔡季蔡紀季皆國而字之言與君一體也是以蔡叔為蔡侯之

弟矣而殺梁杜氏皆以為蔡大夫未命故名而不氏此未可知何氏又以為蔡侯不能防正其姑姊妹使淫於陳佗故貶之謬甚矣恐陸氏是○又案經書內大夫盟外諸侯九始於此

十有二年春正月○夏六月壬寅公會杞侯莒子盟于

曲池

杞公穀皆作紀○曲池公羊作殿蛇魯地

左氏

平杞莒也注隱四年莒伐杞自是遂不平

秋七月丁亥公會宋公燕人盟于穀丘

穀丘宋地燕人南燕大夫

八月壬辰陳侯躍卒

厲公也○壬辰七月二十三日

○公會宋公于虛

虛宋地公羊作鄭

○冬十有一月公會宋公于龜

龜宋地

○丙戌

公會鄭伯盟于武父

武父鄭地

丙戌衛侯晉卒左氏

注重書丙戌無

義例因史穀梁再稱日決
成文也日義也

案孫氏曰再
言丙戌美文

附錄

陳氏

陳氏

丙戌再書日日衛晉之卒也于以
見春秋之有日例也春秋之日例

莫謹於崩卒以往日赴則書往日以來日赴則書
來日再赴則亦再日之舍卒而稱日皆大事也是
故非內辭必戰也弑君也滅國而執殺其君世子
大夫也則日之會不日會有盟焉則日盟有滅焉
則日侵伐不日入之則日入潰之則日潰圍不日
滅之則日滅宜日而不日者不得日也凡日必甚
之也是故公即位不日日定公夫人至不日日哀
姜諸侯奔不日日衛侯行入不日亦日衛侯行執
不日日鄆子外災不日日宋衛陳鄭外敗不日日
頓胡沈蔡陳許皆甚之也非甚之也者而稱日則

天變也郊
廟之事也

十有二月及鄭師伐宋丁未戰于宋左氏公欲平宋鄭秋公及宋公

盟于句瀆之丘宋成未可知也故又會于虛冬又會于龜宋公辭平故與鄭伯盟于武父遂帥師而伐宋

戰焉宋無信也君子曰苟信不繼盟公羊戰不言伐無益也詩云君子屢盟亂是用長此其言伐

何辟嫌也惡乎嫌嫌與鄭人戰也此偏戰也穀梁非何以不言師敗績內不言戰言戰乃敗矣與

所與伐戰也不言與鄭戰恥不和也於伐與胡氏既戰敗也內諱敗舉其可道者也注非責也書

伐宋又書戰于宋者責賂於鄭而無厭屢盟於魯而無信者宋也二國聲其罪以致討故書曰伐夫宋罪

固可伐矣然取其賂以立督者魯桓也資其力以篡國者鄭突也無諸已然後可以非諸人春秋之義用

賢治不肖不以亂易亂也故又書曰戰于宋來戰者
罪在彼戰于郎是也往戰者罪在內戰于宋是也

陳氏

此公及鄭伯也曷為前稱君後稱師略之
也一役而再見者但人之用衆焉稱師張氏

與人之道忠信誠懋本乎中則有不期合而合者
非有是心則其相與也不過以利合而一旦爭小利
則相視忽如仇敵鄭突藉宋之力以篡國宋人賁賂
則背之而結魯魯比突而欲平宋宋辭平則遽反之
而連鄭春秋詳書之見王政不行諸侯放恣魯桓宋
莊鄭厲皆以篡而立紛紛離合惟利是視煩盟瀆信
祇以長亂王法所必
誅而不以聽者也

案宋莊之得國鄭有力焉今鄭突之得國有宋
之力也宋莊鄭突氣類相同其交宜固矣然宋
莊之立華督之相于稷之成以魯齊陳鄭之皆
有賂故也今責賂於鄭是以已之前日望鄭也

春秋書郟鼎之取以見宋魯鄭之交以賂合書
武父之戰以見宋魯鄭之黨以賂離吁嚴矣哉

十有三年春二月公會紀侯鄭伯已巳及齊侯宋公衛

侯燕人戰齊師宋師衛師燕師敗績左氏

宋多責賂於鄭鄭不堪命

故以紀魯及齊與宋衛燕戰不書所戰後公羊曷為

也注公後地期而及其戰故不書所戰地

後日

恃外也其恃外奈何得紀侯鄭伯然後能為日也內

不言戰此其言戰何從外也曷為從外恃外故從外

也何以不地近也惡乎近乎圍郎亦近矣郎何以

地郎猶可以地也注据韋戰先書日此恃外者得紀
侯鄭伯之助然後能結戰日以勝君子不掩人之功
故後日以明之据戰于宋不從外言敗績此從外者
明當歸功於紀鄭故從紀鄭言戰也据郎亦近郎雖
近尚可言其處今親戰龍門兵攻城池尤危故恥之

燕戰稱人敗稱師重敗也言及者明見伐為主故得
汲汲敗勝之文疏春秋說云龍門之戰民死傷者滿
溝主說此穀梁其言及者由內及之也其曰戰者由
經故知之穀梁外言之也戰稱人敗稱師重衆也其
不地於胡氏左氏以為鄭與宋戰公羊以為宋與魯
紀也戰穀梁以為紀與齊戰趙匡考據經文
內兵則以紀為主而先於鄭外兵則以齊為主而先
於宋獨取穀梁說蓋齊紀者世讎也齊人合三國以
攻紀魯鄭援紀而與戰戰而不地於紀也不然紀懼
滅亡不暇何敢將兵越國助魯鄭以修怨乎齊為無
道恃強陵弱此以紀為主何也彼為無道加兵於已
必有引咎責躬之事禮義辯喻之文猶不得免焉則
亦固其封疆效死以守上訴諸天子下告諸方伯連
率與鄰國之諸侯其必有伸之者矣不如是而憤然
與戰豈已亂之道乎力同度德動則相時小國讎大
國而幸勝焉禍之始也息伐鄭而亡鄭勝蔡而懼蔡

敗楚而滅今紀人不度德不量力不徵詞輕與齊戰而為之援者弑君之賊篡國之人也不能保其國自此戰始矣春秋以紀為主省德相時自治之義也

案此戰惟穀梁得之左氏責賂之說本上文戰宋事誤移在此公羊龍門戰事本出緯文不足信而范氏注穀梁乃妄引此說以駁穀梁且又從鄭君言而以紀為已是可怪也○又案經書內外之戰二十三書敗績十五書戰例左氏曰皆陳曰戰胡氏曰兩兵相接曰戰書及例胡氏曰戰而言及主乎是戰者也趙子曰戰而書及以主及客也以華及夷也戰不言及交為主也書敗績例左氏曰大崩曰敗績何氏曰績功也諸說皆通

附錄

胡氏及戰例

胡氏

凡戰皆以主人及客者處見文二年

者之事也

三月葬衛宣公

朔立

胡氏

葬自內錄既與衛人戰曷為葬宣公怨不棄義怒不廢禮是知

古人以葬為重也禮喪在殯孤無外事衛宣未葬朔乃即戎已為失禮又不稱子是吉服從金革之事

其為惡大矣凡此類據事直書年月具存而惡自見

案諸侯在喪稱子例僖九年宋子二年八年陳子之類是也貶惠公三傳說同

夏大水公羊

注為龍門之戰死傷者眾民悲哀所致

秋七月○冬十月

十有四年春正月公會鄭伯于曹左氏

鄭人來請脩好會于曹曹人致

饋禮也注脩張氏厲公比年與公連兵
武父之好戰伐脩怨故來求好

無冰公羊

何以書記異也注周正月夏十一月法當堅

穀梁

時燠也注皆公不明去就政治舒緩之所致五行傳曰視之不明是謂不哲厥咎舒緩罰常燠

胡氏

案幽風七月周公陳王業之詩也其詞曰二之日鑿冰沖沖三日納于凌陰四之日其蚤獻

羔祭韭周官凌人之職頒冰於夏其藏之也固陰沍寒於是乎取其出之也賓食喪祭於是乎用藏之周用之徧亦理陰陽天地之一事也今仲冬之月燠而無冰則政治縱弛不明之所致也故書于策夫春秋所載皆經邦大訓而書法若此其察於四時寒暑之變詳矣

案無冰三年及成元年二月襄二十八年春也雨木冰一成十六年正月也

夏五左氏

注不書月闕文

公羊

夏五者何無聞焉爾疏注盟來盟例不言月則五字或羨文其

文十五年華孫來盟穀梁孔子曰聽遠音者聞其疾書月者不與信詞也

貌而不察其形立乎定哀以指隱而不聞其舒望遠者察其桓隱桓之日遠矣夏五傳疑也

胡氏

夏五傳疑也疑而不益見

聖人之慎也

鄭伯使其弟語來盟左氏

鄭子人來盟且脩曹之會

公羊

注來盟者聘而盟也

不言聘者舉重也內不出穀梁諸侯之尊弟兄不得主名者主國也注盟可知

其來我舉其貴者也來盟前定也不日胡氏來盟稱前定之盟不日注言信在前非結於今

定之盟也其不稱使如楚屈完齊高子則權在二子盟特未定也諸侯兄弟例以字通而書名者罪其有

寵愛之私非
友于之義也

案來盟例五鄭語衛良夫稱使者前定之盟也
謂已有約言未足效信而釋疑復遣使固結之
也楚屈完齊高子不稱使者權在二子謂齊楚
二君遣使之時未嘗有命令盟也宋華孫不稱
使者華孫權臣專行不受君命也屈完非來魯
非書來者內桓師也○又案穀梁曰前定之盟
不日此以苟庚良夫卻犢孫林父向戌等因聘
而盟之例推之也彼皆書日則後定可知矣○
又案語後為子人氏鄭昭公之禍以羣弟之多
寵也今厲公奪嫡又復私愛子人使交政中華
何不鑑覆轍乎觀甯母之役鄭子華言於齊桓
曰洩氏孔氏子人氏實違君命君若去之以為
成則子人氏之專
權於鄭可知矣

秋八月壬申御廩災左氏

注御廩公所親耕以奉
黍盛之倉也天火曰災公羊

何以書記災也注

胡氏

門觀災而新作則書御廩之
新必矣何以不書營宮室以

宗廟為先重本也御廩
災而新不書常事也

案經書內災八御廩西宮新宮雉門兩觀桓僖
宮亳社也外災六齊成周宋二陳四國也○又

祭月令季秋藏帝藉
之收於神倉即此

乙亥嘗左氏

書不害也注既戒曰致齊御廩雖災苟不
害嘉穀則祭不應廢故書以示法先其時

亦過公羊

常事不書何以書譏嘗也曰猶嘗乎御廩
災不如勿嘗而已矣注當廢一時祭以自

責以奉天災也周八月非孟秋本穀梁
不時不以不時書者本不當嘗也
御廩之災不
志此其志何

也以為唯未易災之餘而嘗可也志不敬也何用見其未易災之餘而嘗也曰甸粟而內之三宮三宮米而藏之御廩夫嘗必有兼甸之事焉壬申御廩災乙亥嘗以為未易災之餘而嘗也注甸師內粟夫人親春是兼甸也壬申乙亥相去四日胡氏嘗祭時事之用日至少而功多明未及易也志不時與不敬也春秋紀事用周月而以八月嘗則不時也御廩災于壬申而嘗以乙亥是不改卜而供未易災之餘則不敬也禮以時為大施於事則不時禮以敬為本發於心則不敬故書

案三傳惟穀梁得之而夫人兼甸之說亦非公羊以為不如勿嘗亦非奉宗廟之義而注者又以為宜廢祭自責則大謬矣左注尤失實苟不害何必書乎故胡氏不時不改卜之說主趙子

冬十有二月丁巳齊侯祿父卒○宋人以齊人蔡人衛

人陳人伐鄭左氏

宋人以諸侯伐鄭報宋之戰也焚渠門入及大逵伐東郊取牛首以大宮

之椽歸為盧門之椽傳公羊已從人曰行言四國行

例凡師能左右之曰以宋意也宋前納突求賂突背思伐宋故宋結四國伐

之四國本不起兵當分別之故加以也宋恃四國乃

伐鄭四國當與宋同穀梁本也使人以其死非正也

罪非為四國見輕重注不以者謂本非所得制今得以之胡氏師而曰以

也刺四國使宋專用其師輕民命也之以行已意也宋怨鄭突之背已故以四國伐鄭魯

怨齊人之侵已故以楚師伐齊蔡怨囊瓦之拘已故

氏伐未有言以者則其言以何用諸侯之師於是始也東遷之後諸侯雖會伐非一國之志也非一國之志則會者序爵而已矣如隱四年伐鄭桓十五年伐鄭皆先宋之類雖主兵也而小國序大國之上亦非一國之志也如隱五年邾鄭伐宋莊五年齊宋伐衛之類以一國而用諸侯之師於是始此伯之所由興也伯者之令行於天下自是無書以者矣書以者必中國用夷狄者也

案兵事書以例三穀梁於此年及公以楚師下皆曰以者不以者也而注者又引雍氏曰兵者不祥之器不得已而用之安有驅民死地以共假借之役乎此說是矣獨於蔡侯之以吳子則曰以蔡侯之以之舉其貴者則又變不以之例蓋其所以以者雖同而事則異觀此伐鄭皆書人取穀特書至則貶之無疑而蔡侯以吳特進而書爵則無譏矣此春秋所以不可一槩論也

趙氏以為宋但用齊蔡等兵而不自交鋒歷引左氏柏舉之戰吳楚自戰而蔡不交鋒以證之亦有理陳氏之說於世變亦有情要之諸傳說皆通可參用

十有五年春二月天王使家父來求車左氏

非禮也諸侯不貢車

服天子不私求財

公羊

王者無求求車非禮也

穀梁

古者諸侯時獻於天子以其國之所

有故有辭讓而無徵求求車非禮也求金甚矣

胡氏

遣使需索之謂求王畿千里租稅所入足以充

費不至於有求四方諸侯各有職貢不至於來求以喪事而求貨財已為不可況車服乎經於求購求車求金皆書曰求垂後戒也夫上有好者下必有甚焉王者有求下觀而化諸侯大夫士庶人皆將有求以利其國家皇皇唯恐不足未至於奪攘不饜也古之君人必昭儉德以臨照百官民志既定之後皆安其

分兵刑寢矣及侈心一動莫為防制必至於廉恥道喪寵賂日章淪於危亡而後已也觀春秋所書則見王室衰亂之由而知張氏禮諸侯九貢無有以車供興衰撥亂之說矣

張氏

禮諸侯九貢無有以車供王室之用者周室固取輕

於諸侯而家父大夫無所正救奉使侯國自取辱命之罪亦見矣

三月乙未天王崩

桓王也隱四年即位在三十二年莊王立

○夏四月已

巳葬齊僖公○五月鄭伯突出奔蔡左氏

祭仲專鄭伯患之使其壻

雍糾殺之將享諸郊雍姬知之遂告祭仲祭仲殺雍糾尸諸周氏之汪公載以出曰謀及婦人宜其死也夏厲公出奔蔡六月乙亥昭公入注公羊突何以名傳例不書大夫逐之而言奔罪之也公羊奪正也注据衛侯出奔楚不名穀梁譏奪正也注禮諸侯不胡此名者著其奪正也穀梁生名今名突以譏之胡

氏此祭仲逐之也。沒而不書，何也？陸淳曰：逐君之臣，其罪易見也。君而見逐，其惡甚矣。聖人之教在乎端本清源，故凡諸侯之奔，皆不書。所逐之臣，而以自奔為名，所以警乎人君。其說是也。夫君實有國而出於臣，乃其自取焉耳。本張氏論聖人之大寶曰：位，孟子正而天下之事理矣。張氏論伯夷柳下惠得百里之地，而君之皆能以朝諸侯。有天下聖賢貴於得位，以其足以恢弘斯道，潤澤斯民。中才之主，苟能制節謹度，用賢治民，自足以守其社稷。何至位南面之尊，秉一國之權，而為臣民所逐哉？故凡失位出奔者，春秋皆以自出書之。所以罪其道之自失，邦之自喪，非臣民所得而逐之也。其書爵而不名者，罪輕惡減。雖曰失道而尚，可待其改過。自新則位為未絕。若突以庶奪正，固不可以有國。又初與權臣比，而篡位。又與親戚謀而欲殺之，為反覆盜賊之計，以自取亡。蓋王法之所當誅，故特書其名以罪之。

案諸侯被逐出奔書名者七鄭突衛朔衛衍燕款蔡朱莒庚輿邾益例同惟鄭成公邾伯不名

鄭世子忽復歸于鄭左氏

注忽實居君位故今還以復其位之例為文也稱世子者

忽為大子有母氏之寵鄭曼宗卿之援祭仲有功於諸侯此大子之盛者也而守介節以失大國之助知

三公子之強不從祭仲之言修小善絜小行從匹夫之仁忘社稷之大計故君子謂之善自為謀言不能

謀國也父卒不能自君鄭人亦不君之出則降名以赴入則逆以大子之禮始於見逐終於見殺三公子

更亂鄭國實公羊其稱世子何復正也注稱世穀梁忽之由也子明復正以效祭仲之權

反正胡氏忽嘗嗣位君其國歸而獨稱世子則亡其君位明矣其稱復歸者謂既絕而復歸也

然諸侯失國出奔歸而稱復則可大夫失位出奔歸而稱復則不可古者諸侯世國大夫不世官或曰復

厭詞陳氏不稱鄭伯以是為終失國也春秋無二尊也苟失國雖見殺不書故鄭無昭公晉無懷公

案鄭忽自十一年五月莊公卒而立至九月奔衛五年于外乃得復歸不從衛侯朔行之例稱爵乃稱世子者忽之所以得歸以其嘗為世子也所以不稱鄭伯者以其不能君也程子曰忽本當立故稱世子不能保其位故不爵劉氏曰書復歸諸侯之正也此說皆得之○又案忽自此年歸至十七年見弑並無書鄭伯者此忽終不能君之驗也○又案諸侯失國復歸者四鄭忽衛侯鄭曹伯襄衛侯衎也大

夫失位稱復歸者衛元咺也

許叔入于許公會齊侯于艾

艾穀作蒿公作鄆

左氏

謀定許也注許叔許

莊公弟也隱十一年鄭使許大夫奉許叔居許東偏
鄭莊既卒乃入居位許人嘉之以字告也叔本不去
國雖稱入穀梁許叔許之貴者也莫宜乎許叔其曰
非國逆例穀梁入何也其歸之道非所以歸也注許
國之貴莫過許叔叔之宜立又無與貳而進胡氏許
無王命退非父授故不書曰歸同之惡入
岳之裔先王建國迫於齊鄭不得奉其社稷未聞可
滅之罪也則當伸大義以直詞上告諸天王下赴諸
方伯求復其國冀除宗廟孰能與之爭今乃因亂
竊入則非復國之義故書入于許入云者難詞也陳
氏入未有書字者雖公子也弗謂公子此其曰許叔
何所以別有罪也叔不書字則疑於齊小白陽生
疾莒去

案許之失國本鄭莊以壤地相接之故欲滅而
并之故糾合齊魯以為入許之役然又以三國

共利難於獨專滅國之罪齊魯既遜而不受則鄭不得不假許叔奉祀以倡存許之說其實許地已入於鄭矣今許叔乘鄭亂以入而齊魯會艾以定之蓋鄭莊方強則二國挾鄭以為利鄭莊既卒則二國定許以為名會艾之謀豈非自解其入許之非已意乎然春秋於入許書及則已推見至隱雖今日之得不足掩其前之失矣○又案諸侯入國例七許叔宜復國而不得其道故書字書入齊小白陽生莒去疾可以有無君父之命故雖以國氏不書公子而書入鄭突衛朔亂倫失正已失國而又復春秋以其逆也故書爵書名書入獨衛獻入夷儀春秋俟其改過也故書爵書入而不名胡氏於許叔小白去疾皆曰難詞則陽生衛獻亦可入此例於衛朔曰逆詞則鄭突亦可入此例公羊注以為許叔本小國春秋前失爵在字例入者出入皆惡明

當誅是蓋不知入許之本末而妄為此說也左
氏歸入例亦多不合此條穀梁得之張氏曰諸
侯進以正乃可以正邦國因亂竊入已之不
正無以正乎人故書入以見義有所不受也

邾人牟人葛人來朝

牟國今泰山牟縣葛國在梁國寧陵縣東北古葛伯國左氏

注三人皆附庸之子也其公羊何以皆稱人夷狄君應稱名故其子降稱人

而三人俱朝事之三人為衆胡氏其狄之何天王崩衆足責故夷狄之穀注引此胡氏其狄之何天王崩
弑君之陳氏朝未有書人者旅見非邦賊也交之舊自參以上甚矣

案卿之朝魯七此年及宣元成六成十八襄元
二十八定十五也而此朝桓獨貶之左氏無傳

杜注
無据

秋九月鄭伯突入于櫟左氏

鄭伯因櫟人殺守櫟大夫檀伯而遂居櫟注櫟鄭別

都也今河南陽翟縣未得國直書入無義例也又左氏昭公十一年傳曰楚申無宇對楚子曰鄭莊公城

櫟而寘子元焉使昭公不立鄭京櫟實殺曼伯宋蕭毫實殺子游齊渠丘實殺無知衛蒲戚實出獻公由

是觀之則害于國未大必折尾大不掉君所知也公羊櫟者何鄭之邑曷為

曷為未言爾祭仲已矣注祭仲已則鄭國易得故明入邑則忽危矣不須言入國也未淺也穀梁

注突不正書胡氏經於厲公復國削而不書獨書入明不當受胡氏于櫟何也夫制邑之死號君京城

之叛大叔皆莊公所親戒也今又城櫟而寘子元焉使昭公不立何謀國之誤也衛有蒲戚而出獻公楚

有陳蔡不羹而叛棄疾未大必折有國之害也故夫子行乎季孫曰古者家不藏甲邑無百雉之城遂墮

三都以張公室於厲公復國削而不書者若曰既入于櫟則其國已復矣於以明居重馭輕強榦弱枝以

身使臂之義為天下與來世之鑑也為國者可不謹於禮哉春秋此義皆小康之事衰世之意也

張

氏

春秋止書突入櫟而忽儀臺之事皆不書者所以見大都耦國既入于此則鄭國之命已制於突與

入其國都蓋無以異特書入櫟而略其入國亦所以謹亂之所由生也又以見忽儀臺突之為君者末矣而不足紀此春秋所以為簡嚴之書也

案春秋謹強都之害書突入櫟而不書其入鄭書晉滅下陽而不書其滅虢責鄭之失虎牢予魯之墮費邠皆此意也諸傳得之只公羊拘於祭仲知權之說故於突之出入皆不合何氏曰入邕則忽危不須言入國此說雖近之而大意非矣公羊下文又以為忽以此年出奔亦無据

○又案陳氏曰鄭突入櫟與衛侯入夷儀同皆未得國之詞也然突書名則又異矣

冬十有一月公會宋公衛侯陳侯于袤伐鄭

袤宋地公羊作侈

左氏

會于袤謀伐鄭將納厲公也弗克而還注先行會禮而後伐也公羊

注月者善諸侯征突

善錄義

穀梁地而後伐疑詞也非其疑也注鄭突欲篡國伐而征之義也不應疑故責之

胡氏

左氏曰將納厲公也穀梁曰非其疑也昭公與突之是非邪正亦明矣然昭公雖正其才不足

以君一國之人復歸于鄭日以微弱厲公雖篡其知足以結四鄰之援既入于櫟日以盛強諸侯不顧是非而計其強弱始疑於輔正終變而與邪穀梁所謂非其疑者非其疑於為義而果於為不義相與連兵動衆納篡國之公子也故詳書陳氏

納厲公也會伐其會地而後言伐以譏之也陳氏會盟會救皆前

定之詞也未前定則書會于某而後伐
類是也會于某而後盟重丘是也會于某而後救壯
丘是也前定同欲張氏案魯桓宋莊衛朔皆以不正
也未定繼事也
就燥之意獨陳侯疑之耳然寡
不勝衆所以疑而不遂合也

案穀梁地而後侵伐例三此年于袤伐鄭及宣
元年裴林伐鄭定四年召陵侵楚是也裴林傳
曰地而後伐鄭疑詞也此其地何則著其美也
蓋以為欲美趙盾之功故詳錄其會地召陵傳
曰志疑也疏曰一會之中十九國衆力之強足
以服楚不敢深入淺侵郊竟則責諸侯之疑居
然可曉觀此說則是三役者其疑同而得失異
矣陳氏張氏亦善發明穀梁者獨公羊以為善
錄義兵觀下文書至以貶公
則恐不如左氏之得事情也

周莊王
元年

十有六年春正月公會宋公蔡侯衛侯于曹夏

四月公會宋公衛侯陳侯蔡侯伐鄭左氏

會于曹謀伐鄭納厲公也

夏伐鄭注春既謀之今書會者魯諱議胡氏王制諸侯之爵

納不正蔡常在衛上今序陳下蓋後至

胡氏侯之爵

次其後先固有序矣春秋時禮制既亡伯者以意之向背為升降諸國以勢之強弱相上下蔡嘗先衛今序陳下者先儒以為後至也以至之先後易其序是

以利率人而不要諸禮也豈所以定民志乎後世有以濃賞誘人之趨事赴功以重罰沮人之奉公守正意亦如此春秋防微杜漸尤謹於名分考其所書意自見矣

案春秋以先至而進其位如悼公於齊世子光之類甚多皆同此例

秋七月公至自伐鄭左氏

以飲至穀梁桓無會其致何之禮也也注桓

公再助篡伐正危殆之甚喜得全歸故致之胡氏伐鄭則致罪之也曷為

國諸侯納之正也伐鄭以納突非正也故書至以罪桓之上無正法恣為不義而莫之禁也

案張氏曰鄭突本因宋以入國而入國之後即比魯而仇宋十二年之戰十四年之伐其怨深

矣今而出奔又能使魯宋自冬及夏悉力納之此程子所謂突善結諸侯故皆為之致力者也

衛朔與母構兄亦姦惡之雄今復因同惡之合陵蔡侯而居其上春秋比事直書見王政不行

伯者未作強暴之禍可畏如此及桓文之興而後少抑焉春秋欲不與齊晉可得乎此亦善論

○又案經書公至自伐十二而至自伐鄭者五除此役外餘皆伯事也至伐齊三伐衛伐戎伐

萊伐秦
各一

冬城向左氏

說書時也注傳曰書時也而下有十一月但舊說因謂傳誤此城向亦俱是十一月但本

事異各隨本而書之耳又推校此年閏在六月而正也張氏有

十一月即夏正九月不時也

案啖子曰下有十一月縱是同月亦今之九月農工未畢不可興役則張氏說是

十有一月衛侯朔出奔齊左氏

初衛宣公烝於夷姜生急子屬諸右公子為之

娶於齊而美公取之生壽及朔屬壽於左公子夷姜縊宣姜與公子朔構急子公使諸齊使盜待諸莘將殺之壽子告之使行不可曰棄父之命惡用子矣有無父之國則可也及行飲以酒壽子載其旌以先盜

殺之急子至曰我之求也此何罪請殺我乎又殺之
二公子故怨惠公十一月左公子洩右公子職立公
子黔牟惠公奔齊注朔惠公也讒公羊衛侯朔何以
構取國不書二公子逐罪之也
公羊衛侯朔何以
之得罪于天子也其得罪天子奈何見使守衛朔而
不能使衛小衆越在岱陰齊屬負茲舍不即罪爾

穀梁

朔之名惡也天子召而不往也

案朔得罪天子之說公穀皆以為天子召而不
往詳公羊之意謂使守衛國之宗廟告朔而天
子召之發小衆不能使行朔走在岱陰齊地託
疾而止不就罪也漢禮諸侯有疾自攝負茲舍
止也張氏發明之曰朔已立五年二公子不能
獨逐之必因其陵蔑天子周室欲討而後二子
得以行其志所以莊六年王人子突救衛公羊
氏之說必有所傳矣但公羊文意迂晦不明有

類傳聞之詞
未審然否

十有七年春正月丙辰公會齊侯紀侯盟于黃

黃齊地左

氏平齊紀且謀衛故也注張氏案公十三年會紀侯敗齊師以益其怨今

乃盟之豈足以釋憾又朔得罪于天子而欲納之一動而二失也

二月丙午公會邾儀父盟于趙趙魯地○丙午三月四日也會公穀作及高郵

孫氏從之左氏尋蔑之盟也

夏五月丙午及齊師戰于奚公羊無夏字○奚魯地穀梁作郎左氏疆事

也於是齊人侵魯疆疆吏來告公曰疆場之事慎守其一而備其不虞姑盡所備焉事至而戰又何謁焉

注齊背盟而來公以信待穀梁內諱敗舉其可道者故不書侵伐皆陳曰戰也不言其人以吾敗也不言及之者為內諱也

案公羊無夏字注者曰夏陽也月陰也此戰蓋由桓公有同非吾子之說故去夏以明夫人不繫於公謬妄不取○又案及戰例三此年奚莊九年乾時僖二十三年升陘也乾時升陘諱公此戰穀梁亦以為諱公左氏以為公不親臨胡氏無傳未知孰是

六月丁丑蔡侯封人卒○秋八月蔡季自陳歸于蔡左

氏蔡桓侯卒蔡人召蔡季于陳秋蔡季自陳歸于蔡蔡人嘉之也注季蔡侯弟也桓侯無子故召季而立之季內得國人之望外有諸侯之注稱字者助故書字以善得衆稱歸以明外納公羊蔡侯封人

無子季次當立封人欲立獻舞而疾害季季辟之陳
封人死歸反奔喪思慕三年卒無怨心故賢而字之

穀梁

蔡季蔡之貴者也

胡氏

季字也歸順詞也蔡季
之去以道而去者也其

歸以禮而歸者也公子不去國季何以去權也既歸
何以不有國獻舞立矣若季者劉敞所謂智足以與
權而不亂力足以得國而不居遠而不陳氏歸未有
攜適而不迫者也是以見貴於春秋
雖公子也弗謂公子此其曰蔡季所以
別有罪也季不稱字則疑於鄭突曹赤

案蔡季左氏以為季即獻舞非也故諸傳多從
公羊然則復國於危疑之際考之書法惟蔡季
為善以其潔身而去一無爭心念念宗國聞召
即歸能遠禍於未然不悻悻以為高其去就合
宜故春秋貴之而得兄弟書字之例○又案春
秋兄弟之歸者惟蔡季與季子或稱字或稱子

美之也非若陳黃楚比之書名者比矣書大夫之自某而歸者蔡季之自陳非若元咺孫林父公孟彊之假力於晉齊者比矣。又案兄弟之取貴於春秋者惟許叔之復蔡季之歸紀季之去叔肝之不任與夫季子之來歸而已皆書字以貴之衛鱣雖合於春秋而不得同於書字之例者主於書弟以罪衛侯而鱣亦無可美也

癸巳葬蔡桓侯胡氏

啖助曰蔡桓何以稱侯蓋蔡季之賢知請謚也人亦多愛其君者莫

能愛君以禮而季能行之此賢者所以異於衆人也
人子不以非所得而加之於父是為孝人臣不以非
所得而加之於君是為忠春秋諸侯雖伯子男之葬
皆從其私謚而稱公志其失禮之實為後世戒欲其
以正終也
垂訓大矣

案蔡桓稱侯杜氏以為謬誤徐邈以為蔡臣子失禮何氏以為封人不能任用蔡季故奪其臣

子辭皆非也

及宋人衛人伐邾左氏

宋志也注邾宋爭疆張氏桓公魯從宋志背趙之盟春與

齊邾盟既而皆背之戰奚伐邾並見於一年之間蓋其為人瀆信而好亂不仁而佳兵入理滅矣宜其不

踰年見殺於齊也

案此年伐邾左氏以為宋志正與隱七年傳同而此年不見事實諸傳又無杜氏蓋臆說耳

冬十月朔日有食之左氏

不書日官失之也天子有日官諸侯有日御日官居卿以

底日日御不失日公羊

注是後夫人譖公為齊所誘殺去日者著桓行惡故深為

內懼其將穀梁言朔不言日
見殺無日穀梁食既朔也

案日食例已見隱三年何氏因公羊傳獨
無言朔不書日例故為立說如此非也

十有八年春王正月穀梁

注此年書王以王
法終治桓之事

胡氏是年桓公

已終復書王者春秋之時諸侯放恣弑君篡國已列
於會則不復致討故魯宣殺惡及視以取國賂齊請
會而傳曰會于平州以定公位曹伯負芻殺大子自
立見執於晉而曹人請之曰若為有罪則君列諸會
矣孔子為此懼作春秋於十八年復書王者明弑君
之賊雖身已沒而王法不得赦也又據桓十五年天
王崩至是新君嗣位三年之喪畢矣明弑君之賊雖
在前朝而古今之惡一也然則篡弑者不容於天地
之間身無存沒時無古今皆得討而不赦聖人之法
嚴矣已列於會則不致討可乎故曰春秋成而亂賊

懼

公會齊侯于濼公與夫人姜氏遂如齊

公羊無左氏春與字

將有行遂與姜氏如齊申繻曰女有家男有室無相

瀆也謂之有禮易此必敗公會齊侯于濼遂及文姜

如齊齊侯通焉公羊人外者何內辭也其實夫人外

公適之以告公羊人外者何內辭也胡氏與者許可之

也穀梁濼之會不言及夫人何也胡氏與者許可之

在公也桓公微弱不能防閑文姜委曲順從無所不

可使至淫亂為二國患故為亂者文姜而春秋罪桓

夏四月丙子公薨于齊丁酉公之喪至自齊左氏

丙子享公

使公子彭生乘公公薨于車魯人告于齊曰寡君畏君之威不敢寧居來脩舊好禮成而不反無所歸咎惡於諸侯請以彭生除之齊人殺彭生

胡氏

魯公弒而薨者則以不地見其弒今書桓公薨于齊

豈不沒其實乎前書公與夫人姜氏如齊後書夫人孫于齊去其姓氏而莊公不書即位則其實亦明矣

秋七月○冬十有二月己丑葬我君桓公左氏

注九月乃葬緩

慢公羊

賊未討則何以書葬讎在外也穀梁此其言讎在外則何以書葬君子辭也

不責踰國而討于是也

胡氏夫桓公之讎在齊則外也隱公之讎在魯則內也在外者不責其踰

國固有任之者矣在內者討于是此春秋之法也故十八年書王而桓公書葬惟可與權者其知之矣

案桓公在位十有八年首亂兄弟之倫而天理隳終瀆夫婦之倫而人理喪魯國亂臣賊子之

禍接迹於史冊實始於此故春秋一書再書又
屢書以貶之不書王者十四年去秋冬者二年
貶宰糾之聘誅滕子穀鄧邾年葛之朝紀大水
雨雪無冰日食之災志有年之異其意亦備矣
其憂亦深矣然其為人往往亦不義而得衆故
即位之一年棄許田以結鄭而有垂越之成二
年因宋賂以立督而有于稷之會三年假姻好
以協齊而有贏之會謹之會弟年之來矣及其
得志天王屢聘遠國屢朝於是宋之戰紀之戰
伐邾納突無所不至自以為莫已害矣孰知禍
起於帷簿哉此蓋天理之應也胡氏曰隱公之
讎在內在內者討于是春秋於桓公書葬其亦
隱然以為足以快魯國臣子之心
哉彼三傳之說亦何足以知之

春秋會通卷四